



Cantidad grandi di hende
a asisti na caminata "Walk
of Light" dedica na cacho
Khaleesi

Pagina 5

Dialuna 15 di APRIL 2024 www.bondia.com Email: noticia@bondia.com Tel: 582-7800 Fax: 582-7044 1,75 Florin

Cantidad alarmante di accident atrobe den fin di siman



Pagina 4

- **The Internet Archive awo ta contene historia di Aruba**

Pagina 2


- **A duna 147 permiso pa negoshi nobo den prome kwartaal 2024**

Pagina 6

- **PAHO: Vacuna 'no ta bay frena' epidemia di Dengue**

Pagina 7

Fonds Voor Cultuur Participatie cu subsidio relaciona na Aña di Connemoracion di Sclavitud



Pagina 3

Hulanda lo provee 1 biyon euro extra den sosten militar pa Ucrania e aña aki



Pagina 9

Chile ta bay pidi Venezuela extradita ciudadanonan sospecha di asesina un disidente anti-Maduro



Pagina 11

Healthy Lifestyle Center a habri su portanan na Savaneta y ya caba 17 cliente a registra



Healthy Lifestyle Center ta un proyecto di colaboracion entre Ministerio di Salud y Departamento di Salud Publico (DVG), cual tin e mision di mehora e bienestar general di comunidad di Aruba a traves di un estilo di bida mas saludabel y activo.

Diasabra ultimo, Healthy Lifestyle Center a habri su di dos centro na Savaneta specialmente pa comunidad pariba di brug y barionan di Savaneta, pa bay bishita nan na MFA di Savaneta unda nan ta bay atende nan clientenan for di awe 15 di april, unda nan lo inscribi y lo brinda guia profesional pa cu nutricion y movecion, specialmente esnan na riesgo pa haya complicacion di salud, door di

hiba un bida no saludabel. E meta ta pa guia e participante pa adapta su bida pa uno mas saludabel.

Healthy Lifestyle Center a inicia oficialmente dia 23 di februari 2023, un di e programanan mas importante di HLC ta pa ofrece servicionan di guia di nutricion y movecion riba un forma personalisa y cu ta adapta na e bida di e cliente specifico. E programa personalisa aki tin un duracion di 3 luna den cual e cliente ta haya su citanan semanalmente cu un dietista den cual e guia con pa yega na un bida mas saludabel ta sucede.

Desde inicio, HLC a haya un acogida masha grandi mes di e pueblo di Aruba. Actualmente



HLC ta conta cu un total di 293 cliente activo. Durante e aña aki HLC a logra cu clientenan a baha un total di 433kg conhuntamente. Banda di guia personal HLC tambe ta ofrece otro programanan manera curso na scolnan, curso na companianan, chekeo gratis regularmente na pueblo, ehercicio mensual na unda ful comunidad por participa.

Un programa special cu HLC ta ofrece ta e programa yama “Improving Lives Together”.

Esaki ta un programa cu tin un duracion di 3 luna den cual un total di 20 cliente ta participa. E programa aki ta ofrece guia di nutricion y movecion intensivo den un forma “community based”. Durante e periodo aki e clientenan ta ricibi, banda di consultanan semanalmente na HLC cu e dietistanan, tambe un programa di ehercicio cual ta encera 3 biaha pa siman na un gym na unda nan ta ricibi guia profesional con pa haci movecion na un manera safe y accesibel.

Durante aña 2024 e meta di HLC ta pa amplia su servicionan y bay den organisacionnan pa asina guia tur esnan na pia di trabao.

Di mesun manera a informa cu 17 cliente a registra caba ariba e prome dia na HLC Savaneta, pa lo cual ta invita comunidad pa registra un bida un biba mas saludabel.

Potretnan ta cortesia di Healthy Lifestyle Center su Facebook page.

The Internet Archive awo ta contene historia di Aruba

Aruba ta ‘back up’ su historia riba The Internet Archive, e prome biaha pa e website di preservacion digital. E Archivo a anuncia dia 8 di april ultimo cu tabata habriendo e portal pa Coleccion Aruba, dunando acceso global pa mas di 100mil documento historico di Aruba.

Segun The Verge, e documentonan ta inclui materialnan cu Aruba a cuminsa colecta bao

nos Biblioteca Nacional y archivonan desde cu a bira un pais den Reino Hulandes na 1986.

Segun The Internet Archive, e coleccion Aruba “ta inclui alrededor di 40mil documento, 60mil imagen, 900 video, 45 audio y siete obheto 3D pa un total di 67 (sub)coleccion tematico y/o institucional.” Ademas di agrega tur cos na su propio servernan, e Archivo ta bisa cu tambe ta back up tur cos usando e red

decentralisa Filecoin. Coleccion Aruba ta usa e interface normal di e Archivo, pues bo por busca door di dje, filter pa tipo di documento, y organisa pa aña. Un di e documentonan mas bieu cu The Verge a haya ta e mapa di Aruba di 1974. Segun Wired, e proyecto a cuminsa na 2018 ora Stacy Argon-dizzo, archivista digital kende su famia regularmente ta bin Aruba cu vakantie, a cuminsa considera yuda e pais preserva su archivonan fisico, cual e tabata preocupa por keda destrui pa clima extremo.

A reporta cu e proyecto tabata complica, pasobra tabata inclui scan “cantidad di toma y corant fragil decadas bieu” como tambe colecta documento cu tabata plama rond mundo (pa motibo di e historia colonial di nos pais) na por ehemplo Hulanda, Spaña y Merca.

Warda e materialnan historico di Aruba ta duna un sabor nobo




di significancia na e mision di The Internet Archie pa preservacion digital. E organisacion non profit a keda funda na 1996 pa Brewster Kahle, y te e fecha, tin 99 petabyte di data unico, pues 99mil terabyte.

E archivo tambe tin variedad di cassette VHS, wega di computer antiguo, instruccion pa set di Lego, y post riba Google Plus. Awendia e website ta bao menasa di batayanan legal pa su esfuersonan di preservacion,

segun The Verge a nota, manera e veredicto aña pasa cu no por fungi como biblioteca pa e-book y un demanda di industria musical contra e Proyecto Great 78 pa archiva disconan bieu.

Pero The Internet Archive ta un di nos armanan mas grandi ora ta trata di mira historia humano door di imagen, texto, musica y video na un momento unda e internet mes ta cada bes mas dificil pa nabega sin cay den SEO junk y desinformacion.



Fonds Voor Cultuur Participatie ta duna subsidio na proyectonan relaciona na Aña di Conmemoracion di Pasado di Sclavitud

Fonds Voor Cultuur Participatie ta duna imput na personanan pa nan involucra nan mes di manera activo cu cultura, nan ta apoya iniciativanan den tur e Reino Hulandes, na scolnan, den e tempo liber y den tur disciplina.

Un fondo di cultura di Reino cu tin e mision pa haci arte y cultura accesibel pa tur hende den Reino Hulandes, unda ta inclui Hulanda, Aruba, Bonaire, Corsou, Sint Maarten, Sint Eustatius y Saba, nan kier haci esaki pa contribui di un forma financiero na proyectonan y iniciativanan cu ta stimula e participacion cultural di participantenan.

E Fondo pa Participacion Cultural tin un regla adicional vigente for di 1 di juli 2023 te cu 1 di juli 2024. E arreglo aki ta pa actividadnan y iniciativanan cu ta contribui na conmemora y celebra abolicion di sclavitud y/o cu por duna un contribucion na conocimiento y sensibilidad di pasado di sclavitud y su impacto den presente.

Riba 1 di juli 2023 tabata 150 aña pasa cu e sclavitud a ser aboli pa lei na Surinam y e islanan di Caribe, cu na e momento tabata colonianan di e Reino Hulandes. E pasado di sclavitud ta un parti doloroso, importante y te recientemente subestima di nos historia comparti. For di 1 di juli 2023 te cu 1 di juli 2024, atencion extra ta ser dedica na esaki den henter e Reino durante e Aña di Conmemoracion di Historia di Sclavitud.

1 di juli pero di aña 1863, a aboli sclavitud pa ley na Surinam y islanan di Caribe, y tambe na colonianan di Reino Hulandes. Un parti grandi di esclavonan mester a traha na plantacionnan durante 10 aña mas. Esaki bao supervision estatal na unda mester a limita e daño di e medida aki pa propietario di e plantacion, pa e motibo ey, pa hopi hende, sclavitud a caba den Reino na epoca di 1873, 1 di juli di 2023 a cumpli 150 aña.

Pa e motibo aki, cualkier persona den Reino Hulandes cu kier organisa un actividad den Aña Conmemorativo por solicita pa un subsidio, esaki ta posibel hasta 1 di juli 2024, e tipo di subsidio ta basa den actividadnan den cual e par-



participantenan ta haci enfasis den e parti di historia y sclavitud, cu material educativo, e procesonan di curacion cu ta promoviendo y tambe por tin cooperacion entre institucionnan.

Pa e proyectonan cu ta wordo apoya, tin un condicion cu e comunidad(nan) mes mester ta e solicitante principal. Ta importante cu nan tin algo di bisa tocante e diseño, organizacion y implementacion di e proyecto.

Nan ta tuma e iniciativa den e implementacion. E solicitante tambe por colabora cu, por ehempel, organisacionnan cultural, institucionnan cultural o institucionnan educativo. Esaki tambe por ta un colaboracion cu un organizacion den exterior via, por ehempel, reunionnan online, via un rapport o intercambio y e aplicacion di formanan di colaboracion entre e distinto organisacionnan.



Varios proyecto ya a haya sosten di nan parti caba, asina Baba Awokose ta amplia conocimiento y conscientisacion tocante e pasado di sclavitud di Corsou cu baile, musica y ritualnan. Durante Indian History Month x Ketu Koti Maand, mesanan di dialogo y podcast ta crea conexion entre dos comunidad cu a separa door di e pasado di sclavitud y colonial. E proyecto No Reparations without Education ta organisa entre otro charlanan, sesionnan di dialogo, encuentronan rond di mesa y sesionnan di sanacion pa saca e topico di 'reparations' o sea pago di reparacion for di e esfera di tabu. Y fundacion Caribbean Angels ta organisa durante e aña di conmemoracion seis encuentro tematico pa publico y alumnonan di scolnan Hulandes den Den Haag. Esaki nan ta inclui, entre otro, Ocho Dia, un ritual di entierro di Corsou en honor di e antepasadonan, un cafe literario rond di e luchado pa libertad Tula y un presentacion di hoben Antiano tocante nan identidad. Pa por haci un peticion pa

subsidio pa proyectonan cu ta duna contribucion na un of mas di e siguiente efectonan:
Efecto a: yega na gruponan di obhetivo nobo;
Efecto b: construi conexionnan duradero o rednan di comunidadnan;
Efecto c: participantenan ta desaroya varios perspectiva tocante e historia di sclavitud;
Efecto d: participantenan ta usa e conocimiento tocante sclavitud como fuente di material pa experimenta e cultura;
Efecto e: comunidadnan ta aumenta nan auto-suficiencia;
Efecto f: promove e proceso di curacion di parti di e participantenan di e comunidadnan.

Dependiendo di e cantidad di efectonan na cua un proyecto ta contribui, por haci peticion pa subsidio den tres categoria. Pa locual ta trata e categorianan, lo siguiente ta aplicabel:
*Proyectonan di categoria 1 tin como obhetivo por lo menos un efecto, e altura di e subsidio ta di por lo menos € 1,000 y como maximo € 5,000 €;
*Proyectonan di categoria 2 tin como obhetivo por lo menos dos efecto, e altura di e subsidio ta mas cu € 5,000 y menos cu € 25,000 €;
*Proyectonan di categoria 3 tin como obhetivo por lo menos tres efecto, e altura di e subsidio ta di por lo menos € 25,000 y como maximo € 50,000 €;

Pa e motibo aki, participacion cultural ta nifica pa ta activo den arte y cultura. No ta importa e diversidad di manifestacionnan cultural, tur tin un algo den comun: hende ta experimenta e cultura di forma pasivo, nan ta haci, desaroya y crea cultura hunto.

Pa haya mas informacion di esaki, por bishita e website www.cultuurparticipatie.nl



Cantidad alarmante atrobe di accident den fin di siman:

Comunidad preocupa pa falta di seguridad den trafico

Durante fin di siman por a tuma nota di un cantidad significativo di accident di trafico cu a tuma luga. Varios di nan tabata envolve chauffeurnan cu tabata tras di stuur bao di influencia di alcohol, algun di nan tabata envolve menornan di edad of velocidad halto. A pesar cu den luna di maart a lansa un campaña nacional, "Trafico Sigur", pa eleva seguridad den trafico, e cantidad di accidente cu ta tuma luga ainda ta preocupante.

Aruba a registra un cantidad basta halto di accidente den fin di siman. Un di nan tabata un accidente pisa cu a sucede na e crusada di Sero Pita. E crusada aki ta conoci caba pa ta peligroso y unda varios accidente fuerte a yega di tuma luga.

Diasabra atardi tabata e caso unda un vehiculo a subi riba e caminda di preferencia sin duna preferencia y un auto blanco tabata core, riba un velocidad basta halto, riba caminda aki y no a logra break na tempo y a dal den e otro vehiculo. Un accidente basta grave y na unda un menor di edad cu tabata involvi den e accidente a sufri heridan na basta grave.

Diabierna atardi tambe na e crusada di Weng Kee Bar y Restaurant na Piedra Plat a sucede otro accident. Atrobe un auto a sali sin duna preferencia y a ocasiona e accident. Ambos chauffeur a resulta herida den e accident aki.

Diabierna merdia a sucede un accidente cu tambe tabata envolve un baby. Den e caso aki, e chauffeur tabata coriendo riba un velocidad halto, y bao influencia y cu un baby den auto. E chauffeur a baha caminda y a dal den e cura di un cas, cu e resultado cu un persona a resulta levemente herida. Polis a detene e chauffeur di biaha pa



core bao influencia.

Den fin di siman tambe a tuma luga e famoso careda Ronde van Aruba. Durante e actividad aki, coredornan ta riba caya den oranan di marduga y semper autoridadnan ta haci yamado na tur automobilista pa core cu cautela ya cu tin coredornan riba e camindanan principal. Ademá di otro auto-ciclistan cu ta compañía e coredornan.

Diasabra marduga un accidente a tuma luga cu a laga dos persona herida. E caso aki tabata trata di un accidente caminda un chauffeur cu tabata tras di stuur bao di influencia di alcohol a dal fuertemente tras di dos ciclista cu tabata compañía un di e participantenan den Ronde van Aruba. Un accidente basta pisa cu a laga e dos ciclistan cu heridan na basta fuerte.

Ariba rednan social un cantidad di persona ta vocifera nan preocupacion pa e cantidad di accidentnan cu ta tuma luga. Varios ta expresa cu nan tin "miedo di subi riba caya cu auto pasobra hendenan irresponsable ta core pa loco y no ta tene cuenta cu nan por coasion accident y perhudica bida di otro."



Mientras otronan ta haci yamado na e autoridadnan concerni pa tuma accionnan mas drastico pa asina eleva seguridad den trafico.

A pesar di e anuncio di e campaña di Gobierno di Aruba pa eleva seguridad den trafico y reduci accidentnan cu ta tuma luga, e cantidad di accident cu ta sucede ainda ta preocupante. Automobilistanan irresponsable ainda no ta tene cuenta cu core bao influencia of cu velocidad halto por tin consecucionnan grave.

Den luna di februari minister di Husticia y Asuntonan Social, Rocco Tjon, a anuncia e inicio

di e campaña "Trafico Sigur". E mandatario remarca cu e cadena hudicial ta bay pone tur nan forza hunto pa percura pa eleva seguridad den trafico a traves di e campaña nacional aki cu ta enfoca riba diferente aspecto. E campaña a cuminsa oficialmente dia 1 di maart y tin como meta mehora seguridad den trafico, reduci e accidentnan y salba bida.

Minister Tjon a señala cu na aña 2022 Aruba a conoce 7.341 incidente pa loke ta trata trafico y den tur e incidentenan aki tabatin un total di 13.069 persona involvi.

Na december aña pasa gobierno a inicia e proceso caminda nan a acerca diferente compania pa duna nan oferta pa yuda e cadena hudicial checuta e proyecto aki. E compania ganador ta bay duna conseho na gobierno durante un aña largo pa asina por ehecuta e proyecto aki.

Apart di esaki un comision a wordo institui, comision trafico sigur y den e comision aki tin representacion di Cuerpo Policial, e compania ganador, Ministerio Publico, Ministerio

di Husticia y Asuntonan Social y tambe di e companianan di seguro pa atende cu tur aspecto cu tin di haber cu e fenomeno aki.

Minister Tjon a indica cu e campaña trafico sigur ta bay enfoca riba educacion y conscientisacion, pa educa y ademá preveni accidentnan den trafico. E enfoca lo ta riba velocidad halto, core bao di influencia y distraccion den auto, manera por ehemplo uso di celular.

Pero apart di enfoca ariba e parti di conscientisacion y prevencion, e mandatario a resalta cu nan ta bay percura tambe pa e parti di controlnan tuma luga.

El a splica cu hunto cu e proyecto aki y hunto cu Cuerpo Policial a dicidi cu ta bay emiti un kalender interno pa loke ta trata tur e diferente control di trafico cu lo bay keda tuma luga na un manera structural.

Nan a tuma e decision tambe pa amplia e capacidad pa loke ta trata e Unidad Motorisa di Cuerpo Policial local ta encera cu nan ta bay haya tur persona cu tin mester pa tur e motornan cu e unidad ta dispone di dje tambe por wordo usa pa garantisa mas seguridad den trafico.

Minister Tjon a menciona cu tabatin, e momento ey, 300 caso pendiente di 2022 y 2023 pa loke ta trata especificamente core bao di influencia. El a indica cu nan a reuni cu presidente di Corte Comun y a dicidi cu ta bay percura pa mas personal pa corte pa haal in e casonan cu tin pendiente.

Banda di esaki gobierno a lansa un website, traficosigur.aw. Riba e website aki ciudadanonan ta haya tur informacion disponibel y e ta bay conta tambe cu un seccion interactivo caminda tur persona por haci nan pregunta y ricibi nan contesta pa duna contenido real na e parti di educa y conscientisa y preveni accidentnan di tuma luga.

A pesar di esfuerso di no solamente gobierno, pero tambe di fundacionnan manera entre otro FADA y Fundacion Zinnia, cu ta traha henter aña pa eleva conscientisacion den comunidad pa automobilistanan core responsablemente, e preocupacion den comunidad ta keda bira mas grandi pa loke ta e fenomeno aki.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Cantidad grandi di hende a asisti na caminata “Walk of Light” dedica na cacho Khaleesi

Despues cu varios fundacion cu ta encarga di rescata animalnan na Aruba a informa tocante un actividad pa stop maltrato y abuso di bestia, diasabra ultimo un cantidad grandi di hende bisti di color blanco pa asisti na e caminata cu a tuma luga den oranan di atardi.

Manera ta conoci, esaki tabata un actividad pa hende no lubida loke a pasa recientemente cu e cacho di nomber “Khaleesi,” cu a muri pa via di maltrato y abuso. Sinembargo, e problema aki ta sigui sucede, caminda a reporta mas casonan di maltrato den e ultimo dianan aki.

Diasabra ultimo, un di e organisadornan di e caminata, Zoey Conijn Berkel di Luna Foundation Aruba Inc., a sigura cu el a keda satisfecho y orguyoso di mira cuanto hende a presenta na e actividad contra abuso di bestia. “E ta un good feeling pa wak cuanto hende a bin.”

No por bisa precies cuanto hende tabat’ey, pero Conijn Berkel a sigura cu nan a logra bende mas cu 800 T-shirt y esey pa nan por ta un indicador – aunke no tur di nan a logra asisti.

Ademas, turistanan tambe tabata presente y e ekipo di e medio di comunicacion Hulandes, “NOS” tambe a bin Aruba pa cubri e evento, “pa mundo por wak cu no ta trata di agresion of abuso solamente, ta trata di un cambio, un cambio pa nos mascotanan y no cachonan so.”

Loke si a hala atencion ta cu niun minister a presenta pa duna nan apoyo na e accion aki, “pero esaki tampoco ta trata di algo politico,” Conijn Berkel a sigura.

El a agrega cu e fundacionnan lo sigui pusha gobierno pa ahusta e ley. “Nan no tin cu skirbi un ley nobo, bo por copy and paste esun di Hulanda; mester tin un cambio den ley, si no nos ta keda draai den circulo,” el a sigura.

Den un articulo cu Bon Dia Aruba a publica dia 5 di april ultimo, Conijn Berkel a trece dilanti cu menasa y agresion contra e doño di Khaleesi a bay mucho leu. “No ta bon. E caminata ta pa calma pueblo y por enfoca directamente riba loke ta pasando cu tin maltrato riba nos isla. Loke a pasa cu Khaleesi no ta un caso solamente, esaki ta tumando luga pa añanan caba, solamente cu loke a sucede cune a bay viral y haya extra atencion.”

Entre esnan presente tambe a logra mira otro fundacionnan, personanan canando cu nan cacho y hasta muchanan cu ta para contra e tipo di accion aki contra nos bestianan.



A duna 147 permiso pa negoshi nobo den prome kwartaal 2024

Pa cuminsa un negoshi of haci cambio den e permiso pa negoshi segun ley, mester haci un peticion pa permiso di negoshi via e website di Departamento di Asuntonan Economico, Comercio y Industria (DEACI) y ta wordo otorga bao di responsabilidad di Minister di Asuntonan Economico.

Den e periodo di januari te cu maart 2024 a ricibi 627 diferente tipo di peticion. Di e 627 peticion ricibi, 277 peticion a wordo trata y e permiso relevante otorga, 196 peticion ta den tramite, 154 peticion no por a wordo trata pa falta di documento of pago.

Di e 627 peticion ricibi y e permiso relevante otorga, 147 ta peticion pa permiso nobo den e periodo di januari te cu maart 2024. Di e 147 permiso di negoshi nobo otorga, 22 tabata pa



eenmanszaak, 21 pa filial, 101 pa VBA, y 3 pa un vennoot di un VOF. E tipo di actividad comercial pa cual mas permiso

nobo a wordo otorga ta "houdstermaatschappij, actividadnan di Real Estate, companianan di construccion kleinhandel den

diferente articulonan manera paña, hoy a y e-commerce, y importacion y comercio di auto."

Na oktober 2022 Minister Geoffrey Wever a introduci e vestigingsbeleid nobo, cu entre otro e meta pa "speed up" e proceso di otorgamento di permiso door di elimina diferente rekisito, digitalisa ful e sistema di peticion di permiso y stimula e promising sectors, inversion den centro di Oranjestad y San Nicolas etc. Meta di e vestigingsbeleid nobo ta tambe pa emiti permiso den un periodo di dos siman.

Minister Geoffrey Wever ta gradici DEACI pa percura cu e permisonan pa negoshi wordo emiti na forma eficiente y lihe y tambe pa compila na un forma continuo tur informacion riba e proceso di permiso pa negoshi.

Tur informacion riba e proceso pa permiso di negoshi ta disponibel riba e website www.deaci.aw

Segun minister di Finanzas, Xiomara Maduro

Ta trahando pa por yega na un declaracion special di accountant di e cuentanan anual di pais Aruba

Siman pasa, minister di Finanzas, Xiomara Maduro a haya un update di su ekipo di profesionalnan di e trabaonan cu ta wordo haci den cuadro di tema A di e Landspakket, cu ta contene e trabaonan pa mehora maneho financiero di Pais Aruba.

E trabaonan aki ta necesario pa asina Pais Aruba pa prome biaha por conta cu un declaracion di un accountant cu ta verifica cu e cifranan presenta den e Cuentanan Anual di Gobierno di

Aruba ta corecto.

Pa Aruba por yega na e declaracion special di accountant riba e Cuentanan Anual di Aruba di Aña 2026, ta necesario pa avor aki haci algun cambio den e maneho presupuestario, capacita y renumera e personal financiero di Pais Aruba, cambia algun regulacion financiero y implementa maneho nobo pa subsidio, participacion y dividendo.

Na e momentonan aki tin varios in-

vestigacion y implementacion tumanando lugha riba cada un di e puntonan aki di atencion, sinembargo e mandatario di finanzas kier enfatisa cu pa por yega na e declaracion special di accountant pa Cuentanan Anual 2026 y logra e implementacion efectivo di e reformanan necesario di e Landspakket, ta hopi importante pa duna prioridad na e trabaonan pa mehora e maneho financiero di Pais Aruba. Un bon bista riba e finanzas di Gobierno, ta yuda e proceso presupuestario grandemente y ta duna bista unda tin espacio finan-

ciero pa asina por ehecuta e reformanan na bienestar di comunidad.

Segun un comunicado di gobierno, den e tempo nos dilanti Minister Maduro lo brinda informacion mas detaya riba e cambionan cu ya caba ta wordo implementa y ki pasonan mas falta pa wordo tuma pa asina por pa mehora e maneho financiero di Pais Aruba y tambe por yega na prome biaha den historia di Pais Aruba na un declaracion special di accountant di e Cuenta Anual 2026 di Pais Aruba.



CDC investigando inyeccion di Botox falso: ‘Serio y algun biaha fatal’


(FoxNews) – Centro pa Control y Prevencion di Malesa (CDC) a anuncia diabierna cu ta investigando reportahenan di “un malesa nobo estilo botulismo den varios estado resultado di inyeccion di toxina botulinum (comunmente yama Botox) administra den entornonan no-medico,” e agencia a bisa den un declaracion.

“Nos ta coordinando un investigacion di brote multi-estado,” e agencia a agrega, Malesa a keda reporta na departamentonan di Salud di Tennessee y Illinois, cual ta trahando cu CDC y FDA riba e investigacion, CDC a nota.

Na Tennessee, cuatro pashent a busca cuidio medico despues di experimenta “señal y sintoma estilo botulismo” despues di

ricibi inyeccion di Botox pa proposito cosmetico, segun un declaracion online di Departamento di Salud di Tennessee. A hospitalisa dos di e pashentnan.

“Investigacionnan conhunto a identifica preocupacion tocante uso di productonan falso of producto di origen incierto administra den entornonan no-medico manera cas of spa cosmetico,” e declaracion a bisa.



Departamento di Salubridad Publico di Illinois a duna un declaracion similar despues cu dos pashent a reporta cu a ricibi inyeccion di Botox posiblemente di contrabando na Condado LaSalle.

E dos individuo a reporta sintomanan cu a inclui problema di vision, cara cu a cay, fatiga, dificultad pa hala rosea y un stem seco, segun e declaracion.

E pashentnan, ambos cu mester a keda hospitalisa, a ricibi e inyeccion di un enfermera licencia kende tabata “eherciendo trabao fuera di su autoridad.”

Casonan adicional a keda reporta na Kentucky, Washington

y Colorado.

“E fuente nan di e productonan di toxina botulinum no ta conoci of no ta verifica na e momento aki,” CDC a declara. “Pregunta tocante regulacion di producto y investigacion di producto mester keda dirigi na FDA.”

PAHO: Vacuna ‘no ta bay frena’ epidemia di Dengue



(Medscape) – E actual vacuna tetravalente pa Dengue, TAK-003 di laboratorio Hapones, Takeda, probablemente no ta bay controla e epidemia andando, segun Organizacion Panamericano di Salud (PAHO). E organizacion a enfatisa e necesidad pa miho comprension di e efectividad di e vacuna contra diferente serotipo y su seguridad den condicionnan clinico den mundo real.

Continente Americano ta experimentando un aumento record den casonan di Dengue. Tres biaha mas caso a keda identifica durante 2024 (3.5 miyon) cu loke a reporta pa e mesun periodo na 2023. Daniel Salas, manager ehecutivo di Programa Comprensivo di Inmunisacion di PAHO, a bisa den un conferencia di prensa fin di maart cu e vacuna disponible no lo stop e epidemia di Dengue, mester us’e complementariamente cu otro accion, di cual e mas importantenan ta operacion riba e campo, control di vector, prevencion y educacion.

Jarbas Barbosa, director di PAHO, a agrega cu “e vacuna cu nos tin actualmente no ta e miho respuesta pa reduci transmision y preveni morto.”

Regimen TAK-003 ta consisti di 2 dosis cu un intervalo di tres luna entre aplicacion, pues “e no ta un herment pa controla transmision na e

momento aki. Estudionan a muestra cu solamente 8 aña di vacunacion [na nivel di poblacion] lo tin un impacto significativo riba transmision di Dengue,” segun Barbosa.

“Hende no por spera cu djis pasobra nan ta vacuna, nan no ta bay haya Dengue. E vacuna tin alcance limita,” Salas a enfatisa.

Otro strategia pa control di vector, manera uso di bacteria Wolbachia y sterilisacion di sangura, ta strategianan pa futuro y “no hermentnan pa controla e brote aki,” Sylvain Aldighieri, director di Departamento di Prevencion, Control y Eliminacion di Malesa Contagioso na PAHO a indica.

Den su comentarionan, Barbosa a urgi intensificacion di esfuersonan cu hermentnan cu ya ta disponible. Esaki ta inclui eliminacion di criadero di sangura (“80% ta den of cerca di hogarnan) y protege contra picadura di sangura, preparando servicionan di salud pa diagnostico trepan y maneho clinico na tempo, y educa e poblacion tocante sintoma di Dengue pa asina nan busca atencion medico inmediatamente.

Maske Dengue ta aumentando na Latino America y Caribe, e paisnan mas afecta ta Brazil (83%), Paraguay (5.3%) y Argentina (3.7%), cu ta conta pa 92% di e casonan y 87% di e mortonan, segun PAHO a reporta.

CAT4CHI

CU MULTI-X

FP X2 X5 X3

BO CHENS DI GANAMAS!

		X2	X3	X5
Pick 4				
1 Premio	Afl. 4.000	Afl. 8.000,-	Afl. 12.000,-	Afl. 20.000,-
2 Premio	Afl. 750	Afl. 1.500,-	Afl. 2.250,-	Afl. 3.750,-
3 Premio	Afl. 250	Afl. 500,-	Afl. 750,-	Afl. 1.250,-
Last 3				
1 Premio	Afl. 400	Afl. 800,-	Afl. 1.200,-	Afl. 2.000,-
2 Premio	Afl. 200	Afl. 400,-	Afl. 600,-	Afl. 1.000,-
3 Premio	Afl. 100	Afl. 200,-	Afl. 300,-	Afl. 500,-
Back 2				
1 Premio	Afl. 40	Afl. 80,-	Afl. 120,-	Afl. 200,-
2 Premio	Afl. 20	Afl. 40,-	Afl. 60,-	Afl. 100,-
3 Premio	Afl. 10	Afl. 20,-	Afl. 30,-	Afl. 50,-
Front / Back				
1 Premio	Afl. 20	Afl. 40,-	Afl. 60,-	Afl. 100,-
	Afl. 50	Afl. 100,-	Afl. 150,-	Afl. 250,-

* Ora un bala FP Sali y bo a match e numbertan, bo ta gana e premio y bo ta den wega atrobe!

www.lottoaruba.com

lotto
Cambando Vida

AMCA di Australia lo tuma accion contra operadornan basa na Corsou cu ta opera den exterior



(CuracaoChronicle) - Australia's Media and Communications Authority (AMCA) lo intensifica esfuersonan pa atende e problema di operadornan den exterior basa na Corsou cu ta ofrece weganan di placa na clientenan di Australia.

E movida aki ta bini cu AMCA su esfuerso pa aplica leyman di Australia cu ta prohibi e provision di servicionan di wegá sin un licencia domestico.

Actualmente, bao ley di Australia, ofrece servicio di we-

ganan sin e licencia apropiá ta ilegal. AMCA ta activamente involucra den blokia acceso na websitenan di wegá di placa ilegal pa e hungadonan di Australia, cual ta resulta den aproximadamente 950 website cu tin licencia of operacion di Corsou blokia. A pesar di e esfuersonan aki, AMCA a enfrenta desafionan ora di trata cu e gobierno di Corsou riba e topico aki.

Sinembargo, desaroyonan recien ta indica un cambio positivo den e colaboracion entre AMCA y Corsou su autoridadnan. Segun vocero di AMCA, oficialnan di am-

bos agencia a keda di acuerdo pa mehora e cooperacion y asina combati e actividadnan di wegá di placa ilegal efectivamente.

E cambio den strategia aki ta coincide cu e establecimiento di Curaçao Gaming Control Board (CGCB) y e introduccion di un regimen di licencia nobo na Corsou. E regimen nobo aki tin e meta di establece un cuadro regulatorio mas robusto pa operacionnan di wegá den exterior. Premira di keda implementa den aña 2024, CGCB ya caba ta aceptando aplicacion di licencia bao e regulacionnan nobo.

Transport publico lo ta gratis pa muchanan chikito na Amsterdam y Den Haag cuminsando den zomer

(NLTimes) - Muchanan na Amsterdam di entre 4 pa 11 aña por haci uso di transport publico gratuitamente como parti di un programa cu lo test den comienso di zomer den e ciudadnan e siman aki.

Adicionalmente, e muchanan den e mesun grupo di edad lo por usa servicio di transport publico sin costo na Den Haag como parti di un programa similar.

Na Amsterdam, e muchanan lo por haci uso di cualkier bus, tram of 'subway' opera pa GVB gratuitamente cuminsando for di dia 20 di juli. Nan no lo paga enter 9or di mainta y 9or di anochi pa sigura cu e oranan mas druk no keda abruma, segun e ciudad. Tambe nan mes- ter ta compañía pa un adulto. Esaki lo keda permiti sola-



mente despues di aplica pa e programa di transito gratis, cu e periodo di aplicacion cuminsando dia 1 di juli. Na momento cu esaki keda otorga, e aprobacion di biahe gratis ta keda agrega na e mucha su OV-Chipkaart personal, cual ta e carchi di pago pa e sistema di transport publico nacional. E oferta lo dura te cu dia 5 di

januari, corespondiendo na e fin di e vakantie di winter. Den e region di Noord-Holland Noord y Haarlem/IJmond, e muchanan di te hasta 12 aña por haci uso di bus gratis pa e aña. Tambe nan por usa bus y tram gratuitamente na Utrecht e aña aki y Rotterdam tambe ta den test di su propio programa pa e mesun grupo.

Ministerio di Corsou ta coregi curso cu politica di licencia pa partera nobo



(CuracaoChronicle) - Ministerio di Salud, Ambiente y Naturalesa (GMN) di Corsou a revela un politica renoba tocante cuido primario di partera.

E movida strategico aki ta bini despues di decision hudicial unda ta blokia Minister Javier Silvania su intentonan anterior di disminui e establecimentonan di partera riba e isla cu no ta controla.

E desafio legal, lidera pa partera Lysanne Dijkstra-Van Heijningen, a causa cu e ministerio lo mester bolbe evalua su posicion. Corte su decision a enfatisa cu e evidencia pa sostene un politica cu consistentemente ta restringi e practica liber di partera no ta adecua. Ademas, e ta enfatisa un falta di hustificacion pa nenga Dijkstra-Van Heijningen peticion pa practica sin restriccion.

Den respuesta na e perdida legal aki, e ministerio a crea un curso nobo cu su iteracion mas recien di politica. Formula via consultanan extremo cu stakeholdernan clave, e politica tin e meta di centralisa e servicionan primario di parto dentro di of pega na e infraestructura di e hospital nobo. Adicionalmente, e ta busca delinea un marcacion cla entre cuido di partera primario y secundario.

Crucialmente, e implementacion di e politica aki ta ser lidera pa Fundacion Duna Luz (FDL). FDL mester introduci un protocol nacional comprensivo pa cuido di partera, cual lo cumpli e tarea di ta un base pa un strategia di servicio di partera uni y consistente den henter e isla.

Ademas, e politica ta envisiona ahustenan structural pa e mecanismonan di devolucion, conhuntamente cu e lanzamiento di un campana di conscientisacion nacional. E campana aki tin e meta di educa mamanan na estado tocante e utilizacion apropiá di recursonan di cuido di partera primario y secundario.

Cu e cuadro di politica nobo aki, e Ministerio di Salud di Corsou no solamente ta rectifica e posicion legal den pasado pero tambe ta crea e fundeshi pa un provision mas mehora di servicionan di partera pa e isla su poblacion.

Hulanda lo provee 1 biyon euro extra den sosten militar pa Ucrania e aña aki

(NLTimes) - Hulanda lo aloca 1 biyon euro extra e aña aki pa provee sosten militar na Ucrania. E gabinete a anuncia e decision aki riba diabierna durante un combersacion cu President Volodymyr Zelenskyy di Ucrania, Prome Minister Mark Rutte a publica riba rednan social.

Pa fin di december, Hulanda lo a contribui cu 3 biyon euro den sosten militar na Ucrania e aña aki so. Esaki lo ser topa

cu otro 3 biyon euro pa sosten militar proximo aña segun e prome minister. Manera a premira, 400 milyon euro tambe lo ser aloca pa sostene Ucrania su economia y infraestructura. E pais ta bao golpinan y atake fuerte di Rusia den simannan recien. E planta di energia mas grandi alrededor di Kyiv a keda destrui. "Ucrania ta ser golpia diariamente pa agresion Ruso. E siman aki atakenan di escala grandi a tuma luga na plantanan di energia. Ciu-

dadanonan tambe a ser asesina den atakenan contra e ciudad di Kharkiv. Ucrania tin mester di mas pa asina e por proteha su mes," Rutte a comenta.

Rutte a tene dialogonan tocante esaki cu e lidernan di gobierno di ambos pais riba diaranson. E gobierno nacional Hulandes na Den Haag ta trahando cu nan coleganan den ambos Praga y Copenhagen pa algun tempo caba pa ricibi sosten a Ucrania.



Senado ta agrega medida pa proteha hende cu debe den exterior

(NLTimes) - Personanan cu ta biba den exterior cu un debe pendiente cu gobierno por mira nan aplicacion pa un paspoort nobo rechasa bao e Passport Act. Sinembargo, Senado a dicidi cu e grupo aki awo pro ricibi mas proteccion legal di e cortenan administrativo.

Prome cu un hende ser nenga un paspoort, nan mester ta den

e registro Register Passport-alerts. Esaki ta pasa ora cu un curpa di gobierno pidi e minister di asuntonan interior agrega un persona na e registro ora cu nan tin un debe pendiente cu por ehempel, belastingdienst, y nan no a haci ningun pago of areglo di pago pa aregla e debe.

Mester tin un "sospecha concreto" cu e persona ta purbando di scapa di nan debe den



E petition haci na e minister y e registracion por keda desafia.

Un di dos chens pa yuda proteha hende den exterior cu tin debe cu gobierno ta cu e curpa gubernamental mester investiga si tin un "bon causa pa duda e legalidad di e alerta di paspoort" ora cu un paspoort keda nenga. Si tin un causa valido, e paspoort mester keda otorga na e persona en cuestion.

Clientenan ta demanda ING bank acusando di perfil racial den evaluacion anti-terror



(NLTimes) - Un simpel transaccion entre rumanan a causa un guera legal na Hulanda. 3 cliente di ING Bank ta demandando e institucion financiero despues cu e banco a categorisa un transferencia como sospechoso y a lansa un investigacion conecta na posibel financiamiento di terrorismo.

E clientenan ta bisa cu esaki a surgi a causa di e recipiente su number Arabe, acusando cu a crea un perfil a base di rasa segun un rapport publica riba diabierna pa programa di noticia Argos.

Jalal Et-Talabi, un di e victimanan, a bisa cu e problema a cuminsa ora cu el a haci un transferencia di 100 euro for di su propio credit card na su cuenta coriente den september 2022. E transferencia mester a cubri un prestamo di termino

corto cu el a haci na su ruman homber, Abdelhamid. Pa mantere e prestamo den bista, Et-Talabi a skirbi "100 euro cash Abdelhamid" den e descripcion di e transferencia electronico.

Un siman despues, el a ricibi un carta di ING cu ta pidi su cooperacion den un investigacion di cliente bao termino di e ley Hulandes contra labamento di placa y e financiamiento di terrorismo, WWFT.

"E pregunta principal tabata, 'Ken ta e tal Abdelhamid?' Et-Talabi a conta den un entrevista cu Argos. "Ta posibel cu e banco ta sospecha su persona di terrorismo basa solamente riba su prome number?"


E audiencia prome cu Instituto Hulandes pa Derechonan Humano ta premira di tuma luga zomer binidero. Abogado di derechonan humano, Jelle Klaas, representando e clientenan, a argumenta cu ING su dependencia riba nombrenan no solamente ta inefectivo sino tambe ta un discriminacion. El a señala cu e banco a menasa di cera e cuenta di un di e victimanan si e no coopera cu e investigacion.

exterior.

Na momento cu e persona ser poni den e registro, por nenga nan paspoort. Prome, tabata posibel trece obhecion na e

decision ora cu nenga un paspoort, pero awo hende tambe por tin obhecion na e hecho cu nan a ser agrega na e registro pa medio di cuminsa un procedura cu hues administrativo.

Prome cu e cambio aki, un paspoort semper ta nenga den e situacion aki al menos cu e alerta di paspoort ta "evidentemente incorrecto."



JOB OPPORTUNITY
Paradise Beach Villas is looking for:

General Cashier

REQUIREMENTS:

- High school diploma or equivalent required.
- Papiamento, Dutch & English fluency required.
- Basic accounting skills required.
- Must have experience in Cashiering, Bank Reconciliation, and all Credit Card transactions.
- Must know and be familiar with the use of POS business machines and computers (Microsoft Office).
- Detail oriented. Organized and efficient. Safety-minded. Experience handling cash and equivalents.
- High quality standards for production and service.
- Strong verbal & writing communications skills, and professional manner.
- Flexible working hours.
- Good team player.
- Able to work productively with little supervision.
- Trustworthy and reliable.
- Hotel experience preferred.

We offer:
Competitive salary, dental and vision insurance, attendance incentive, life insurance, wellness program, vacation saving program.

To apply:
Submit your resume at humanresources@paradisebeach.aw
For more information, please contact our Human Resources Department at 525-4000 ext. 4093

Bougainville Development NV
P.O. Box 162878, Altamonte Springs
FL 32716-2878, USA

J.E. Irausquin Boulevard 64 P.O. Box 4308, Noord, Aruba, Dutch Caribbean
T. 297 525 4000 F. 297 587 0071
www.paradisebeachvillas-aruba.com

Diferente partido ta pidi huicio politico contra senador Mexicano cu a pidi dispensa pa Ecuador

(El Tiempo) – Diferente partido politico, como tambe usuaronan riba rednan social, a solicita pa haci un huicio politico contra e senador Lilly Tellez, ken a pidi dispensa na Ecuador despues di e asalto di e pais aki na embahada Mexicano na Quito.

E senador di partido PAN a causa conmocion diamars ultimo 10 di april ora a pidi un disculpa publico na presidente di Ecuador Daniel Noboa na unda polisnan a detene ex-vicepresidente Jorge Glas y a agredi e diplomatico Roberto Canseco.

“Na nomber di miyones di Mexicano, mi kier ofrece un disculpa publico na pueblo di Ecuador y presidente Daniel Noboa pa e bullying Latino Americano na su pais,” Tellez a bisa for di Senado.

Ademas, el a pidi pordon pa e forma cu cual hefe di e mision di Mexico Roberto Canseco a actua, “el a viola teritorio Ecu-

atoriano pa protege un criminal,” y a acusa e presidente Mexicano Andres Lopez Obrador di a falta e respet na pueblo Ecuatoriano den un forma di “gangster” actuando manera “un Bukele.”

Despues di su declaracion polemico, e senador di e partido Morena, Monica Fernandez y e presidente di e mesa directiva di Senado, a califica Tellez como “un traidor di patria” y a exige un huicio politico contra dje.

“Un persona cu ora nos tabata indigna pa e accion contra nos soberania, di nos hende y dignidad a bin solidarisa su mes cu nos agresor y pone na banda di esnan cu ta agredi Mexico, e ta un traidor di patria,” e senador di Morena a bisa.

Debi na criticanan y solicitud di huicio cu su palabranan a provoca, sinembargo Tellez, a sostene un posicion contra e actuacion di Lopez Obrador y a celebra e detencion di ex-vicepresidente Jorge Glas,



insistiendo cu embahada Mexicano no mester sirbi di “cueba pa criminalnan.”

“Lopez Obrador a laga Mexico den ridiculo cu comunidad internacional pa purba di protege un delincuente,” e senador Tellez a sigura.

Ademas, a argumenta cu den su declaracion no tabatin ni un

acto criminal y cu ta trata di expresion di un opinion personal, cu no por wordo procesa di manera hudicial.

Tellez a pidi na Lopez Obrador pa respeta e reglanan di politica exterior di Mexico “y stop di mete den asuntonan di otro nacionnan.”

Tellez a celebra e hecho cu Jorge Glas ainda ta deteni y “no ta sushando embahada Mexicano,” tambe a pidi na presidente Daniel Noboa pa no reestablece relacionnan cu Mexico tanten lo tin un “compromiso explicito” di e mandatario Mexicano cu “no lo viola leynan, su autonomia y su husticia.”

Peru: Lima ta continua como epicentro di violencia criminal



(La Republica) – Segun medio La Republica, den ultimo dianan, Lima a bolbe ta e mesun Lima di semper, epicentro di violencia, asesinatonan multiple, menasa na autoridad, atentado contra hende local, extorsion, sin cu Polis por stop e ofensiva aki di crimen organisa.

Maske tin 30 norma anuncia pa Gobierno pa combati inseguridad ciudadano, nada ta parce di funciona pa stop e delitonan aki cu ta afecta esnan mas pover.

Al contrario, gruponan criminal, a contesta cu mas violencia, algun di nan cu ta stranhero, incluso a laga nan diferencianan y enfrentamento pa control teritorial y a uni na e otronan pa comete delito y causa angustia den e capital.

Di 120 homicidio cu a registra na e pais entre 1 di januari y 23 di februari, 55 di nan a wordo cometi na Lima metropolitano. Un di e casonan aki di teror a sucede dia 7 di februari, ora sicarionan a asesina cu tironan 3 persona na zona 3 di Huascar, San Juan de Lurignacho.

Alcalde di e distrito aki, Jesus Maldonado, a denuncia cu ta ricibiendo menasanan di morto y a indica cu gruponan criminal ta ofreciendo hasta 30.000 soles (mas cu 8.000 dollar) pa atenta contra su bida y di su funcionarianan.

“Nan a bisa mi cu ta huntando 30.000 soles pa mata mi, y ora ma caba di haci e denuncia na warda. Mi a haya un mensahe cu menasa y cu firma di “Los Malditos de Huascar,” el a revela. Otro crimen multiple a sucede dia 8 di april na Chaclacayo, dos sicario a caba cu e bida di

un lider di agrupacion musical La Nueva Generacion de la Carretera Central y 3 amigo di dje, den e inauguracion di un local.

Autoridad di e distrito aki, Sergio Baigorria, a pidi mayor seguridad y presencia policial, tambe a expresa su preocupacion pa e atake aki, “ta necesario pa traha pa seguridad ciudadano hunto cu Gobierno.”

“Peru ta un mercado ilicito grandi di armanan di candela, municion y explosivo di uso militar,” e ex-minister di Interior Ruben Vargas a adverti y tambe a bisa cu “no ta bon pa minimalisa un problema asina sensibel manera esaki.”

Diamars ultimo personanan desconocido a explota un cargamento na porta di un scol,

sin laga dañonan personal.

Den e ultimo kwartaal di 2023 na Lima metropolitano y El Callao a registra 486 rapport di homicidio, segun Sistema di Denuncia Policial, e mesun periodo aki a haya 57.456 denuncia pa delitonan contra patrimonio.

Na Lima, e percepcion ta cu inseguridad ciudadano ta mas critico compara cu aña pasa na unda actualmente 70%, kieren, 7 di cada 10 Limeño, ta kere cu e pais cada dia ta mas pio cu antes, segun encuesta di Ipsos realisa na maart ultimo.

Pa hortamento, ultimo periodo di aña pasa, na Lima a señala cu tin 21.158 denuncia, mientras cu pa violacion sexual a registra na sistema policial 2.292 denuncia.



Chile ta bay pidi Venezuela pa extradita ciudadanonan sospecha di asesina un disidente anti-Maduro

(AP) — Fiscalnan na Chile a bisa den weekend cu nan tin plan pa solicita formalmente pa Venezuela extradita dos di su ciudadanonan pa bay huicio pa cargonan relaciona cu e secuestro y asesinato di un disidente Venezolano na Chile anteriormente e aña aki, un caso cu a pone presion riba e relacion entre e paisnan Sur Americano.

Fiscalnan a conclui cu e asesinato di e activista y ex-teniente militar a ser planea na Venezuela. Si proba esaki, e asesinato riba suelo Chileno por señala un frente nobo den e represion amplio di gobierno di presidente Nicolas Maduro contra oposicion prome cu su intento di reeleccion e aña aki.

Venezuela a rechasa cualkier participacion.

Fiscalnan Chileno diabierna a implica publicamente e organizacion criminal mas grandi di Venezuela, Tren de Aragua, den e crimen. Autoridadnan tambe a indica cu nan ta kere cu e culpablenan den e asesianto di Ronald Ojeda, 32 – kende a busca asilo na Chile despues di protesta administracion di Maduro – por tabata trahando den nomber di gobierno Venezolano.

Politicanan abierto di Ojeda, segun fiscalnan, a descarta especulacion cu e grupo a



mat'e pa su participacion den actividad ilicito di gang di caya. Tren de Aragua nunca a haci un exigencia pa rescata di secuestro. A mata Ojeda apenas oras despues di su secuestro. "Nos ta papiando di un victima cu a participa den accion contra gobierno Venezolano," segun Hector Barros, fiscal liderando e caso.

Aumentando e sospecha, Barros a bisa, a deshaci di culpa di Ojeda di un manera escalofriantemente metodico – algo inusual pa e Tren de Aragua. Dia 1 di maart, despues di 10 dia di buskeda, autoridadnan

Chileno a haya su curpa den un maleta, dera bao di un edificio den suburbionan di Santiago, cu puiro di cal blanco basha pa agilisa descomposicion y cubri cu cement.

Polis Chileno a detene un Venezolano di 17 aña di edad, kende tabata na e pais ilegalmente, relaciona cu e caso. Exigiendo pa Venezuela coopera den e investigacion, gobierno Chileno a priminti di busca extradicion di e otro dos sospechoso cu a huy pa Venezuela. Unabes cu Venezuela haya e solicitud, e proceso lo move na cortenan Venezolano, cu

lo determina si por extradita e sospechosonan prome cu e hudiciario por haci e determinacion final.

Toch Venezuela te awo a faya di coopera cu solicitudnan di extradicion di Chile den pasado, den otro casonan criminal. "Wowo di mundo ta bay ta observando con (Venezuela) ta actua," minister di Interior, Carolina Toha a bisa reporteronan diabierna. "Nos ta bay sigura esaki." El a bisa cu Chile ta considera e crimen "cu e mayor gravedad."

Ojeda, ex-militar Venezolano,

a huy di detencion Venezolano na 2017 y a busca refugio na Chile, cu a dun'e asilo aña pasa. For di exilio el a continua expresando oposicion contra Maduro riba rednan social te cu su desaparicion.

Imagennan di camara di seguridad for di mainta trempan dia 21 di februari, fecha di secuestro di Ojeda, ta muestra tres homber bisti como polis Chileno hibando e for di su apartamento y hincando e den un vehiculo.

E incidente a trece e relacionnan ya caba tenso entre Chile y Venezuela na un punto di inflexion.

Santiago a retira su embahador na Caracas diahuebs pa motibo di secuestro di Ojeda. Yamado a aumenta pa gobierno kibra relacion cu Venezuela despues cu su minister di Exterior, Yvan Gill, a rechasa e gang Tren de Aragua y su alcance na Latino America como un "ficción crea pa medionan internacional."

E caso ta yega na un momento sensitivo pa Maduro, kende ta postula pa reeleccion na juli. Den lunanan recién, su campaña largo pa caba cu disidencia a genera critica amplio y a pone presion riba esfuersonan di administracion di presidente Mericano, Joe Biden pa habri caminda pa eleccion liber y husto na e pais.

Barbados: Enfoke regional riba vinculo di transporte entre Caribe y continente Africano ta necesario, segun prome minister

(BarbadosToday) – **Mehoracion di e vinculonnan di transporte entre region Caribense y continente Africano mester keda un meta top pa tur gobierno regional si ta bay realisa comercio y crecimiento di turismo completamente.**

Esaki tabata e mensahe fuerte di prome minister Mia Mottley mientras el a duna comen-tarionan na e firma di acuerdo entre gobierno, Afreximbank y Kensington Oval Management Inc. (KOMI) na Ilaro Court diasabra.

Mottley, kende a papia despues di firma pa un prestamo di US\$ 25 miyon cu e Banco di Exportacion-Importacion Africano (Afreximbank) pa

mehora y mantene e iconico Kensington Oval, a bisa cu reforsa y expande lasonan cu e continente Africano probablemente ta bay ta clave den mehora crecimiento economico di e region.

"Africa tin un dividendo demografico di cual mundo ta bay tin mester pa sostene actividad economico, pero tambe pa sostene e buskeda di beneficio di e actividad economico aki pa e metanan disdesaroyo sostenibile (SDG) den siglo 21. Nos ta kere cu den Caribe nos ta den un posicion unico pa traha cu Africa, y Africa trata e Caribe como su hub den continente Americano, y [pa nos] igualmente relaciona na Africa den terminonan no solamente di inversion, sino

mas importante den termino di pertenece, comercio [y] movimiento di persona," el a splica.

El a nota cu e vinculonnan entre e dos zona economico mester keda reforsa pa asina reduci dependencia riba regionnan nort. "Nos ta kere cu Africa y e estadonan di Golfo, cu tin e penetracion di mas abao pa turismo global mundialmente, tin un mercado pa motibo di e dividendo demografico aki, cu ta bay crece. E problema ta, bo tin un dificultad distingui den e mundo aki pa haya visa di transito pa Africanonan por bin door di Reino Uni, pa bin door di Alemania, Hulanda, Merca [y] Canada. A menos cu nos crea un vinculo directo entre e dosnan, nos ta restring-



iendo e volumen di pasahero cu nos por haya legitimamente

pa crucero y legitimamente pa turismo di estadia largo."

Ehecutur di O.J Simpson su patrimonio tin plan di lucha contra pago na famianan di Brown y Goldman



(AP) - Ehecutur di O.J Simpson su patrimonio ta bisa cu e lo traha pa preveni e pago di 33.5 miyon dollar otorga pa un hurado civil na California casi 3 decada atras den un demanda di morto eroneo haci pa e famia di Simpson su ex-pareha Nicole Brown Simpson y su amigo Ron Goldman.

Simpson su testament a ser lesa na Clack County su cor-

ta, nombrando su abogado di semper, Malcolm LaVergne como e ehecutor. E documento ta muestra cu Simpson su propiedad a ser poni den un fondo cu a ser crea e aña aki.

LaVergne a conta Las Vegas Review-Journal cu henter e patrimonio di Simpson no a ser calcula ainda. Bao ley di Nevada, un patrimonio mester pasa door di corte si su bienes ta surpasa 20,000 dollar.



Simpson a fayece diaranson sin a paga e cantidad di e condena civil cu a ser otorga den 1997 despues cu e hurado a considera su persona responsabel. Cu su bienes a punto di pasa door di corte su proceso, Goldman y Brown su famia por ta den rij pa ricibi un parti di loke Simpson a laga atras.

LaVergne, ken tin desde aña 2009 ta representa Simpson a bisa cu e no kier pa e famia Goldman mira ningun cen di patrimonio di Simpson. "E ta mi speranza pa e famia di Goldman no ricibi absolutamente nada," el a conta Review-Journal. "Nan especificamente. Y mi lo haci tur cos den mi capacidad como ehecutor y representante personal pa sigura cu nan no haya nada."

LaVergne no a comenta inmediatamente na The associated Press.

Aunke e famia di Brown y

Goldman a pusha pa ricibi nan pago, LaVergne a bisa cu nunca tabatin un ordo di corte cu ta obliga Simpson paga e decision civil. E abogado a conta Review-Journal cu su ira dirigi na e famia Goldman en particular ta bini den parti a causa di e eventonan cu Simpson su buki palnia, titula "If I Did It." Goldman su famia a gana e control riba e manuscrito y a retitula e buki na "If I Did It: Confessions of the Killer."

Simpson a genera fama y fortuna via deporte y negoshi di television, sinembargo su historia a cambia pa semper den e asesinato di su ex casa y su amigo na Los Angeles. E acusacionnan criminal den su contra den aña 1995 a ser retira den un huicio cu a impacta e publico.

Goldman su tata, Fred Goldman, e victima lider, semper a bisa cu e punto nunca tabata e placa, sino di tene Simpson

responsable. Y el a bisa den un declaracion diahuebs cu, "cu e fayecimento di Simpson, e speranza pa responsabilidad berdadero a caba."

E famia di Goldman y Brown ta para na mesun caminda cu otro creditornan y probablemente lo tin un base mas fuerte, mirando cu Simpson su patrimonio ta aregla bao terminonan estableci pa e fondo crea den januari. E testament ta nombra su 4 yiunan y ta nota cu cualkier beneficiario cu busca desafia e provisionnan di e testament "lo ricibi un dollar y no mas di acuerdo na cualkier interes den e testament aki of su bienes."

Simpson a bisa cu e tabata biba di su pension di NFL y priva so. Centenares di posesion valioso a keda confisca como parti di e hurado su decision y Simpson a ser obliga subasta su Heisman Trophy, cual a ser bendi pa 230,000.

CBS ta bisa cu e programa "The Talk" lo yega su fin despues di 15 temporada



(AP) - The Talk lo caba su combersacion cu tin varios aña andando. E programa di CBS lo caba den december despues di 15 temporada, e red a anuncia diabierna.

"The Talk" a ser crea pa actor Sara Gilbert cu e idea di un grupo di anfitrion femenino cu ta papia tocante eventonan actual y topiconan 'hot', similar na ABC su "The View." Giblert a bisa den un entrevista na ana 2011 cu e ta basa riba su grupo real di "mamanan amiga" cu lo reuni cu otro pa papia. E tabata gusta e idea di un "grupo cu nunca bo por a realmente descifra, pero diripiente tin varios cosnan en comun."

E programa a debuta den aña 2010 cu anfitrionnan Sara Gilbertm Sharon

Osbourne, Julie Chen, Leah Remini y Holly Robinson Peete. Marissa Jaret Winokur a ser recluta como un reportero cu ta riba caya. Den problemnan di anfitrion despues di e prome temporada, Winokur su posicion a keda kita y Peete cu Robinson a keda reemplasa pa Sheryl Underwood y Aisha Tyler.

Den un declaracion hunto publica pa CBS, Amy Reisenbach, president di CBS Entertainment y David Stapf ken ta president di CBS Studios a bisa: "E ta logico cu presenta y produci un programa henter aña no ta un tarea facil." Nan a sigui expresa "gratitud sincero" na e anfitrionnan, productornan y ekipo ademas di reconoce e "programa su ex anfitrionnan y coleganan cu a contribui durante su temporadan."

A.T.A. ta presenta di un manera exclusivo documentario "Blue Lizard Effect" cu protagonista local y internacional

Entrante 17 di april e comunidad por mira esaki riba MAX, Warner Channel, TNT, y Discovery

Durante un anochi bao di streanan na Parke Arikok, den presencia di bishitantenan special, productor-nan y participantenan di e documentario, A.T.A. a presenta na un manera exclusivo e documentario di "Blue Lizard Effect".

Un serie documental revolucionario cu ta profundisa su mes den e mundo fascinante di Aruba, pero di un angulo diferente; e serie ta explora e concepto energetico di felicidad y e conexion profundo cu e cultura, e hende, y naturalesa di e isla ta provee pa cu esaki. Aruba ta asina e escenario unda cu ta papia di e topico di un bida feliz y con pa enfoca riba esaki.

Protagonista Jason Silva, un personahe renombra den e mundo di television, conoci pa su storytelling, orador di diferente conferencia importante, y creador di pelicula, nomina pa Emmy, ta na un momento puntual di su bida y ta en busca di un transformacion y den mihor comprende e esencia di un bida feliz. Jason ta haci esaki na Aruba pa haña sa e motibo dicon e ta ser yama E Isla Feliz. E motibo di felicidad di su habitantenan y con e por siña di cada un di e personanan cu e ta encontra y con esaki por yud'e pa asina e tambe por logra e transformacion personal. E documentario ta conta cu distres local entre otro, Daexo Croes, Rolly Bislik, Kyra Hoeverts, Nichole Danser, Harold Kelly, Trudy Lampe, Watra, Armando Goedgedrag, Ethan Westera, Natusha Croes, Nathaly de Mey, Ciro Abath cu ta muestra Jason nan manera di biba, pakico nan ta sinti nan mes felis, y con e elementonan ta mantene nan bibo y activo.

E serie ta conta cu cuater episodio captivante segun e cuater

elementonan natural:

Episodio 1 - Awa: Bula den e presente mientras Jason Silva ta explora e importancia di biba riba un isla Caribense manera Aruba. Descubri e influencia profundo di e lama segun cultura y identidad Arubiano den wowo di tres persona local cu ta inspira y conecta cu e forza elemental aki.

Episodio 2 - Tera: Den e episodio di Tera, Jason Silva ta uni su mes na buskeda pa redefini felicidad mientras cu e ta explora e origen historico y mistico di Aruba. Segun exploracion di pasado di e isla, Silva ta cuminsa un biahe di auto-desubrimiento y iluminacion.

Episodio 3 - Biento: Sintiendo e biento elemental di e biento mientras Jason Silva ta encontra cu e importancia di aire den formacion di e identidad di Aruba y su concepto unico di felicidad. Explora con e paisahe di e isla ta wordo forma segun forsan di naturalesa, lagando un marca permanente riba su hende.

Episodio 4 - Candela: Encontra cu e poder transformador di candela mientras cu Jason Silva ta revela e esencia di e "Blue Lizard Effect" y su impacto profundo riba evolucion di Aruba. Experiencia e origen di e isla y e spirito di renovacion constante y transformativo.

Entrante 17 di april 2024 por mira e documentario via MAX. Alabes, via Warner Channel pa 8or di anochi pa cuater diamars consecutivo cu repeticion riba diahuebs 11:30 di mainta na paisnan di Colombia, Aruba, Ecuador, Argentina, Peru, Chile, Venezuela. TNT: 6:00 PM pa cuater diamars consecutivo cu repeticion riba dialuna 11or di mainta na paisnan di



Colombia, Aruba, Chile, i Argentina. Por ultimo na Discovery 4:30 di atardi pa cuater diamars consecutivo cu repeticion riba diabierna 8:30 di mainta na paisnan di Argentina, Brasil, Colombia, Ecuador, Peru, Venezuela, y Chile.

Tocante Aruba Tourism Authority (A.T.A.)

Desde 1 di januari 2011, Aruba Tourism Authority ta opera como un entidad 'Sui Generis'. Un organizacion independiente den e esfera publico. Aruba Tourism Authority ta fungi como 'Destination Marketing and Management Organization (DMMO)' y ta responsabel pa uni interes turistico entre socionan local e internacional. A.T.A. ta pone hopi enfasis



riba e modelo di "High Value-Low Impact" cu ta para pa un balans entre aumenta e balor economico di e bishitante, posiciona Aruba como un pais desea y sostenibel, y posiciona Aruba como lider di desaroyo como un destinacion. Cu meta

pa sigui mantene esfuertonan den linea segun e balans mencionada, y logra aumenta entrada pa medio di calidad di turismo en bes di e volumen cu nos destinacion ta ricibi. Capacidad di carga ta sigui ricibi atencion di parti di A.T.A.



TO ALL ATIA MEMBERS CONVOCATION



ATIA Cordially invites all members to the General Assembly of Members

AGENDA:

- | | |
|---|--|
| 1. Welcome/Roll call | 8. Report by the Audit Committee |
| 2. Presentation: "Aruba Fair Trade Authority-Mr. Roly SintJago" | 9. Election Audit Committee |
| 3. Opening | 10. Election of Board Members |
| 4. Minutes General Assembly March 29, 2023 | 11. Determination of the Membership fees |
| 5. Board Report 2023 | 12. Free Word |
| 6. Financial Report 2023 | 13. Closing |
| 7. Budget 2024 | |

Date & Time:

Friday, April 19, 2024
4:30 pm - 6:30 pm

Location:

ATIA Conference Room
Pedro Gallegostraat 6

Please join us for a cocktail hour from 6:30 pm - 7:30 pm

Polis a bay cu urgencia na Sero Pita unda un ex-pareha tabata kibrando porta



Diahuebs atardi a drenta informe di cu un homber a yega cerca su ex-pareha pa busca problema, mesora a dirigi un patruya na e sitio.

Un rato despues a drenta un otro informe cu e homber ta kibrando e porta, mesora a di-

rigi e patruya cu mas urgencia na e sitio.

Na yegada di e patruya a bin nota cu tur cos ta bao control. Polis a papia cu ambos partido y tur cos a bira tranquil y polis a sigui cu su patruyahe.

Polis a nota menor di edad coriendo cu scooter sin documento na ordo



Diabierna madruga durante patruya den Sero Patrishi, polisnan atento di distrito 1 (Oranjestad) a nota un menor di edad coriendo un scooter no completo y a para esaki pa un control.

Pa cuminsa, e menor no tin rijbewijs y pa colmo e scooter no tin documento na ordo; esey

ta motibo pa polis confisk'e. Mirando cu tin hopi ladronia di scooter, si acaso e scooter aki ta procedente di ladronia y e doño reconoce como su propiedad e por pasa controla esaki na warda di polis pa e por haya su scooter back.

Polis a hala atencion di e menor di edad pa e orario riba caya.

Accidente minimal na e rotonde Balashi



Diahuebs anochi a drenta informe di un accidente na e rotonde Balashi, mesora a dirigi un patruya na e sitio.

Na yegada di e patruya a bin

compronde cu aki ta trata di un accidente unda 2 auto a mishi cu otro cu daño minimal. Afortunadamente ningun hende a resulta herida.

Relaciona cu un investigacion recherche di Santa Cruz, A confisca un otro brommer di victima fatal di accidente recien

Diabierna mainta, recherchenan di distrito 4 (Santa Cruz) a bay Dakota en busca di un brommer relaciona cu un investigacion.

Ta trata aki di un otro brommer cu e victima di accidente fatal tin. Riba ordo di fiscal a bay en busca di esaki. Pero a bin logra haya esaki na Jaburibari y a splica e familiaran cu nan ta bezig cu un investigacion y p'esey mes- ter e brommer ey. E famia a coopera y a laga recherche bay cune.



Polis a confisca vehiculo cu hopi placa y droga



Diabierna madruga durante patruya na Alto Vista, polisnan atento di distrito 2 (Noord) a nota un chauffeur spanta ora a wak polis y a par'e pa un control.

Pa di prome, e no por a mostra rijbewijs ni permiso pa ta legalmente na Aruba. Ora polis a controla den e auto a bin haya hopi placa y droga. Polis a confisca placa, droga y e auto. Ademas a detene e chauffeur pa tramita su expulsion for di Aruba.



Candela na deposito na Burubuno ta causa morto di un cacho



Diabierna mainta a drenta informe di un candela masha grandi mes na Burubuno, mesora a dirigi tanto polis como bombero na e sitio.

Na yegada di e patruya a bin compronde cu aki ta trata di un deposito unda tin materialnan bieu warda y

tambe e mondi patras di esaki. Eybanda ta unda varios hende ta biba y un persona eynan a bira malo, te cu mester a pidi presencia di ambulance. Ademas un cacho a muri debi na e candela.

Bomberonan a tarda basta pa combati, domina y hasta paga e candela por completo.

Chauffeur a bay dal tras di un van na Paradera

Diabierna mainta a drenta informe di un accidente dilanti M.F.A. na Paradera, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un auto no a regula su velocidad ni a mantene distancia a bay dal tras di un Mitsubishi L300 van. Afortunadamente ningun hende a resulta herida.



Chauffeur burachi cu tabata cu un baby den auto a bay dal riba cura di cas

Diabierna merdia a drenta informe di un accidente cu hende herida y cu baby den auto na Cashero, mesora a dirigi tanto polis como ambulance na e sitio.

Na yegada di e patruya a bin compronde cu e chauffeur tabata core cu velocidad halto y a baha caminda bay dal riba cura di un cas.

Polis a nota cu e baby tabata



den su childseat durante e impacto. Na yegada di e ambulance a atende tanto e baby como e chauffeur na e sitio

mes. Despues di a ser atendi pa e ambulance polis a detene e chauffeur pa a core auto bao influencia y causa un accidente.

Motociclista no a duna auto preferencia y a bay dal riba dje resultando herida

Diabierna merdia a drenta informe di un accidente cu hende herida na e crusada Frankrijkstraat Italiëstraat, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente na un bayonet kruispunt entre un Hyundai Getz y un motociclista. Aki e motociclista mester a para pa duna preferencia na Hyundai Getz y door cu e no a haci esaki, nan a dal den otro y e motociclista a cay y herida su mes te cu weso tabata exponi na e herida.

Na yegada di e ambulance nan a atende e motociclista y cu yen di dolor a pone den e ambulance y asina a transporte pa hospital.



Accidente hit & run cu herido na Mandolinstraat

Diabierna atardi a drenta informe di un accidente cu hende herida na Mandolinstraat, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente hit & run unda un Nissan March bruin bayendo nort a bay dal tras di un hoben riba scooter y a sigui bay sin para.

Testigonan a mira ken tabata na stuur y a tuma e number di auto y a duna polis e detayenan aki. Na yegada di e ambulance nan a atende cu e victima y a transporte pa hospital. E team di joyriding a presenta pa asina investiga si e scooter lo por ta horta.



Atrobe accidente cu hende herida na crusada na Piedra Plat



Diabierna atardi a drenta informe di un accidente cu hende herida na e crusada banda di Weng Kee na Piedra Plat, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un Hyundai Accent a sali sin duna preferencia na e Suzuki Swift y nan a dal den otro. Debi na e impacto ambos chauffeur a resulta herida y na yegada di e ambulance a atende cu ambos herido na e sitio mes.

Chauffeur a bolter auto den B. Van de Veen Zeppenfeldstraat



Diabierna atardi a drenta informe di un accidente cu hende herida na B. Van de Veen Zeppenfeldstraat, mesora a dirigi tanto polis como ambulance na e sitio.

Na yegada di e patruya a bin compronde

cu aki ta trata di un accidente unda cu e dama chauffeur a baha caminda dal riba un pylon subi esaki bay den banda y bolter. Debi na e impacto e dama a resulta herida, na yegada di e ambulance nan a atende e dama y a transporte pa hospital.

Dos ambulance a bay Sero Patrishi pa persona cu tabata scuma y no tabata reacciona



Diabierna atardi a drenta informe di cu tin persona cu lo a bira malo y no ta reacciona na Sero Patrishi, mesora a dirigi 2 ambulance na e sitio.

Na yegada di e ambulance nan a atende e persona y a transporte cu urgencia pa hospital.

Traha cement ta hopi dañino pa clima y un solucion ta habriendo na California

(AP) - E ta un contribuidor grandi na cambio di clima, e manera cu edificionan y cayanan ta crea cu concret. E tambe ta un problema cu ta creciendo mientras mas di e mundo ta desaroya. Esaki ta haci cu e careda a cuminsa pa yega na solucionnan pa material cu ta responsabel pa casi 8 porciento di e emision di carbon dioxide global.

Awo un compania na California a desaroya un tecnologia cu ta reduci e carbon dioxide den e creacion di cement y por tin e potencial di opera na escala grandi. Fortera ta intercepta e carbon dioxide den e weanan unda e cement ta traha y ta usa esaki back pa crea cement adicional. Den su prome intento di escala comercial, e tecnologia ta lo ser agrega na CalPortland su facilidad di Redding, California, un di e plantanan di cement mas grandi na Merca cu ta habri diabierna.

“Nos meta ta di trece un solucion cu por traha di manera igual na cualkier planta,” Ryan Gilliam, CEO di Fortera a comenta,

Inicialmente Fortera lo produci suficiente pa mescla cu por lo menos un di cinco parti di CalPortland su producto den un mescla cu ta reduci carbon cu 10 porciento. Gilliam a bisa cu tin un exigencia grandi pa mezclanan cu ta reduci carbon cu 40 pa 50 porciento, y pa un producto puro cu e compania ta traha, cual tin 70 porciento menos carbon.

Fortera a evolucionar den parti di un compania anterior yama Calera cu ta-



bata entre e promenan den converti carbon dioxide den cement cuminsando na aña 2007. El a basha alrededor di 100 ton di su propio cement di carbon abao den edificionan di California y cayanan pero a cay den aña 2024 a causa di problemanan financiero. Basa riba e conocimiento aki, Gilliam a funda Fortera den aña 2019 cu varios ex empleado di Calera.

Tin “practicamente un “planta di cement na cada 250 miya den mundo,” el a bisa. Pa motibo cu e ta traha cu e plantanan existente aki y ta usa e mesun material cu e industria ta usa caba,

Fortera ta bisa e ta un tecnologia cu ta un opcion economicamente competitivo pa rapidamente preveni emision di carbon cu ta kenta nos planeta.

Un diferencia di otro esfuersonan di concret y cement di carbon abao ta cu e ta ofrece por lo menos e posibilidad di ser instala ampliamente na plantanan di cement na luga di cambia e manera cu e industria ta funciona actualmente.

Fortera ta un di e varios esfuerso pa reduci e impacto riba clima di concret. Instituto Mericano di Arkitekto ta educa varios di e mundo su agencianan di arkitektura mas grandi tocante emisionnan di carbon den materialnan pa construccion. Algun hurisdiccion cu ta inclui Vancour, British Columbia tin standard di construccion cu ta encuasha concret di carbon abao. California a aproba un ley den aña 2021 cu ta rekeri e estado su Air Resources Board pa desaroya un strategia pa e estado su industria di cement reduci su emision di gas cu 40 porciento pa aña 2035 y yega un ‘net zero’ pa aña 2045.


Fabricantenan di cement ta keinta ‘kiln’ te na mas o menos 1,400 grado Celsius

pa kibra e limestone y separa esaki den carbon dioxide y calcium oxide.

Fortera su proceso ta chupa e carbon dioxide afo y ta transporta esaki via un tubo na un mashin unda esaki ta bira solido. Su tecnologia ta funciona cu 1,000 grado Celsius, cual ta haci cu e ta rekeri menos energia y ta emiti menos carbon.

Ora e carbon dioxide captura ta ser mescla cu calcium oxide, e ta bira un tipo di limestone cu ta manera cement ora cu e muha. E producto aki, cual Fortera ta yama ReAct, ta mescla cu otro ingredientenan pa crea concret. Fortera ta usa un mescla di 15 porciento di ReAct den concret pa motibo cu esaki ta loke ta permiti bao standard di e industria existente cu ta regula e fortaleza y durabilidad di e material.

E compania ta purbando di yega na un producto di 100 porciento ReAct cu ta un reemplazo aproba pa cement y ta bisa cu nan ta den proceso di test con por cumpli cu e rekisitonan internacional, sin embargo e proceso regulatorio ta tuma alrededor di 5 aña.



150 atleta ta nomina den Premio Excelencia Den Deporte *E anochi di gala ta tuma luga dia 19 di april proximo*



Diaranson atardi den un esfera ameno, ronda pa atleta-, mayor-, entrenado- y invitadonan special, Minister di Deporte, Endy Croes a presenta Premio Excelencia den Deporte, unda cu lo reconoce e atletanan cu mas a destaca den nan disciplina durante aña 2023.

Un total di 26 federacion a manda number di nan atleta cu mas a destaca. Lo reconoce e nominadonan dia 19 di april den un anochi di gala dedica specialmente na nan. Un total di 150 atleta ta nomina den diferente categoria pa aña 2023. Lo reconoce binti (20) entrenado pa nan contribucion den e desaroyo di deporte di Aruba. Tambe, lo rindi homenahe na dies (10) baluarte deportivo cu a dedica gran parti di nan bida na desaroyo di deporte di Aruba. Banda



di esaki, lo reconoce cinco (5) atleta olimpico cu lo ricibi un certificado y pin di Olympians for Life (OLY) for di World Olympians Association pa nan esfuerso y pa promove e balornan olimpico. Despues di e conferencia di prensa, e nominadonan a ricibi nan banchi di entrada y "goodie bag" cu ta consisti di un tas, serbete, boter di awa, headphone y pechi graba cu e logo di PED.

Comision di hurado:

E comision encarga pa scoge e ganadonan ta consisti di cinco profesional cu tin e afinidad den prensa deportivo. E rekisitonan pa saca e ganadonan ta basa riba e siguiente condicionnan: 1. prestacion local; 2. prestacion internacional; 3. prestacion den comunidad di Aruba.

Ceremonia oficial:

E anochi di gala ta tuma luga diabierna 19 di april den Renaissance Convention Center, unda cu lo otorga diferente premio, entre otro, medaya y certificado pa tur 150 nominado, plakkaat pa e 14 ganadonan, plakkaat pa e 20 entrenadonan, plakkaat pa e 10 baluartenan deportivo y premio efectivo. Tambe, 5 atleta olimpico lo ricibi un certificado y pin for di World Olympians Association.



Pa conclui, Minister Endy Croes ta felicita tur e nominadonan cu a destaca den aña 2023 y ta deseanan hopi exito. Alabes, e mandatario di Deporte ta gradici comision organizado y tur cu a haci e proyecto aki posibel. Por ultimo, Pueblo di Aruba ta keda cordialmente invita pa sintonisa e anochi mas grandi den deporte di Aruba dia 19 di april cuminsando pa 7 or di anochi en bibo via Telearuba y Canal 22.

Alex 'Poatan' Pereira ta retene su titulo den UFC 300



(ESPN/MMAFighting) – Alex Pereira tabatin mes- ter di menos cu cuatro minuut pa proba ken ta e miho light heavyweight na mundo di berdad.

Pereira, despues di check un scop accidental bao su faha for di Jamahal Hill, a manda su oponente drumi riba e canvas cu un left hook vicioso. Despues cu el a basha mo- kete riba Hill, referee Herb Dean a haya su mes forsa pa stop e pelea.

Hill a yega UFC 300 como e ex-campeon 205-libra sin realmente a perde e faha, ya cu un lesion di Achilles du- rante un wega di basketball a forsa 'Sweet Dreams' pa drop e titulo.

Pereira e ora a gana e titulo bashi despues di derota ex- campeon light heavyweight, Jiri Prochazka na UFC 295. Den apenas 10 pelea di MMA den su careda, ocho di su victoria a bin via knockout.

Despues di e pelea, Hill a pu- blica un declaracion cortico riba rednan social cu un ac- tualisacion di su salud como tambe un promesa cu e lo bolbe pronto. "Oh well, esey ta e wega cu nos ta hunga," Hill a bisa. "A gara mi. Pa tur

cu tin interes, mi ta bon. Ai- nda nos ta haciendo nos cos awenochi."

Den e co-evento principal, Zhang Weili a retene su titulo strawweight contra su paisa- no Yan Xiaonan den un pelea

di cinco ronda.

Ademas, Max Holloway a duna un di e miho knock- out den historia di UFC cu un KO na ultimo momento riba Justin Gaethje pa bira e campeon BMF nobo.



Inscribi pa ciclo 7 di Edutech

Inscribi bo scol y bira parti di e iniciativa innovativo di EduTech



Ciclo 7 di EduTech ya ta habri presentando un oportunidad increibel pa scolnan uni na e revolucion educativo. E ciclo aki ta un di e ultimo chensnan pa participa ya cu ciclo 8 lo ta e ultimo oportunidad pa aplica. Scolnan por inscribi te dia 18 di april 2024. Gobierno di Aruba ta haci un yamado na tur scolnan pa tuma e oportunidad aki y inscribi bo scol entregando bo plan di proyecto y bira parti di e iniciativa innovativo di EduTech.

Manera ta conoci, EduTech ta un proyecto di Gobierno di Aruba hunto cu Futura den cual ta pone Awg. 400.000 disponible pa proyectonan di innovacion na scolnan. E proyecto di Edutech

ta duna oportunidad na tur scol pa bin cu nan mesun proyecto y tin e oportunidad di gana recursonan financiero of material pa ehecuto e proyecto.

E aña escolar ta parti den diferente ciclo na unda e studiantenan, docentenan of directornan ta manda nan propuesta di e proyecto pa Futura y eynan e proyecto ta wordo evalua pa un comision. A base di e evaluacion ta haci un seleccion di



e proyectonan cu lo ricibi e recursonan financiero of e material pa e ehecucion di esakinan.

EduTech a cuminsa durante aña escolar 2022-2023 cu resultadonan hopi exitoso y asina Futura a dicidi pa ripiti e exito aki tambe pa aña escolar 2023-2024.


Den total pa e aña escolar 2022-2023 a distribui Awg. 415.000 entre 12 instituto di enseñansa di cual e ganadornan a ricibi:



































- Colegio Bon Bini: 4 smart boards y 25 tablets pa nan 'smart room'.


- Colegio EPI: tools pa nan Digital Exploration Model y 100 board games cu add-ons pa e desaroyo di e 21st-century skills.
- Aurora Scol Preparatorio: 3 smart boards pa cada un di e 3 klasnan.
- EduCampus: un modular unit, varios aparatonan, muebles y otro material pa e Maker-space.
- Pius X School: 7 smart boards y add-ons.
- Maria Goretti College: 2 smart boards, 2 HP laptop, y 25 tablets pa klasnan 5.
- Colegio Laura Wernet-Paskel: 2 smart boards pa 1e y 2e klasnan, 25 HP Chromebook, 25 tablet.
- St. Paulus School: 50 HP Chromebook.
- Cacique Aterima: un surtido amplio di materialnan STEM pa envolbe e studiantenan den STEM.
- Universidad di Aruba: aparatonan, mueble y material pa un STEM lab.
- Scol Preparatorio Nos Paraiso: 7 Samsung Flip eBoards.
- St. Dominicus College: 15 iPads y 6 Chromebook.

Prome Minister Evelyn Wever-Croes den nomber di Gobierno di Aruba ta invita tur scol pa inscribi y bin na remarca pa financiamiento di materialnan innovativo pa nan scol. Gobierno di Aruba lo sigui apoya e sistema di educacion cu proyectonan asina pa por prepara nos futuro generacionnan pa e era digital.

Por inscribi via: <https://www.edutecharuba.org/submit-application>

Resultado Sorteo 13 y 14 april				
Cadena Alexander Lottery ta presenta resultado di weganan di suerte				
DIARIO 8740 8691 3495		KORSOU 3594 9800 4725	SUPER4 8132 SUPER5 -	FLAMINGO 1097 4614 7617
DIADOMINGO DIARIO 7109 1845 8327		KORSOU 7331 9220 0701	SUPER4 4228 SUPER5 14664	FLAMINGO 2200 7804 9069

MERDIA		ANOCHI		DIADOMINGO MERDIA					
 Sorteo # 4237 4938 9950 8762  X5  Sorteo # 4237 2387  FP  Sorteo # 2293 0137  Sorteo # 4237 7003 Scorpio  Sorteo # 1111 365  FP		 Sorteo # 8218 3842 2924 0154  X2  Sorteo # 7262 4844  FP  Sorteo # 1967 8319  Sorteo # 6021 3378 Piscis  Sorteo # 951 676  X2		 Sorteo # 2484 0 x Jackpot 0 x Match 4+ 4 x Match 4 115 x Afl. 12,00 210.000,-  Sorteo # 6443 0 x Jackpot 6 x Match 4 141 x Afl. 8,00 56.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 350.000,- Afl. 450.000,-  Sorteo # 		 Sorteo # 4238 3169 2846 7531  X3  Sorteo # 4238 4855  FP  Sorteo # 2294 7837  Sorteo # 4238 8534 Sagitario  Sorteo # 1112 748  X2		 Sorteo # 0 x Jackpot 0 x Match 4+ 0 x Match 4 0 x Afl. 12,00 210.000,-  Sorteo # 6444 0 x Jackpot 5 x Match 4 89 x Afl. 8,00 58.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 360.000,- Afl. 460.000,-  Sorteo # 	



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
del Pueblo San Lucas
Tel. 582 1253 Tel. 584 5119
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Merca: Griep aviar ta plamando entre mas animal di cria. Webó y lechi ta safe?

(AP) – Un brote di griep aviar den baca di lechi na Merca a crece pa afecta mas cu dos decena di rebaño den ocho estado, apenas algun siman despues cu e productor di webo mas grandi di e pais a haya e virus den su galiñanan.

Oficialnan di Salud ta insisti cu e riesgo pa publico ta abao y cu cadena di suministro di cuminda na Merca ta keda safe y stabiel. “Na e momento aki, ta keda sin preocupacion cu e circunstancia aki ta presenta un riesgo pa salud di consumidor, of cu ta afecta e seguridad di e suministro comercial interestatal di lechi,” FDA di Merca a bisa den un declaracion.

Te cu diabierna, e variante di griep aviar cu a mata miyones di parha salvahe den añanan recien a ser haya den al menos 26 rebaño di baca di lechi den ocho estado Mericano: Idaho, Kansas, Michigan, New Mexico, North Carolina, Ohio, Texas y South Dakota.

E virus, conoci como H5N1 Tipo A, a keda detecta den un variedad di mamifero durante ultimo añanan, pero esaki ta e prome biaha cu a hay’e den baca, segun agencianan federal di salud y animal. Analisis genetico di e virus no ta muestra cu el a cambia pa plama mas facilmente den hende, CDC di Merca a bisa.

Pa lora ta produccion, oficialnan di agricultura den al menos 17 estado a restringi importacion di baca di lechi for di estadonan unda a detecta e virus, pero te awo, agencianan di gobierno



a bisa cu tin tiki efecto riba produccion comercial di lechi. Oficialnan ta kere cu e bacanan a keda infecta probablemente door di ta exponi na parha salbahe, pero a bisa cu “no por descarta” transmision di baca pa baca.

Agricultornan ta haciendo test di baca cu ta muestra sintoma di infeccion, incluyendo reduccion den suministro di lechi y letargia. Animalnan cu ta muestra señal of ta test positivo ta separa di otro animalnan riba e granja. E animalnan ta parce di recupera dentro di dos siman.

Productornan di webo Mericano ta observando e situacion di cerca despues cu a detecta griep aviar den galiña na Texas y Michigan. A mata miyones di parha, pero FDA a bisa cu e riesgo di webonan afecta yegando mercado minorista of causando infeccion den humano ta abao pa motibo di inspeccionnan federal y otro salvaguardia.

Cientificonan ta bisa cu no tin evidencia pa sugeri cu hende por contrae e virus door di consumi cuminda cu a ser pasteurisa, of trata cu calor – of cushina adecuadamente. “E no ta un

preocupacion pa seguridad di cuminda,” segun Lee-Ann Jaykus, un microbiologo emeritus di cuminda y virologo na Universidad Estatal di North Carolina.

Segun expertonan di seguridad di cuminda y oficialnan di gobierno, sinembargo, lechi na supermercado ta keda safe. Productornan Mericano ta prohibi di bende lechi di baca enfermo y mester destrui esaki. Ademas, lechi bendi a traves di lineanan estatal ta rekeri pa ta pasteurisa of trata cu calor usando un proceso cu ta mata bacteria y virus incluyendo influenza.

Oficialnan di agricultura a bisa ademas cu solamente baca pa lechi y no baca pa carni a keda infecta of muestra señal di malesa te e fecha.

E productor mas grandi di webo na Merca temporalmente a stop operacion dia 2 di april despues di haya griep aviar den su galiñanan. Cal-Maine Foods a mata como 1.6 galiña cu ta pone webo y otro 337mil puyito despues di e deteccion.

E compania a bisa cu no tin riesgo pa webo den e mercado y cu no a retira ningun webo.

Pronostico di tempo



Tempo:

Parcialmente nubia cu un awasero pasahero.

Temperatura maximo 33 grado Celsius.

Temperatura minimo 27 grado Celsius.

Indice di calor (heat index) den y rond di oranan di merdia: 34 pa 39 grado Celsius.

UV index: 12.

Bahada di solo: 6:52 pm.
Subida di solo: 6:27 am.

Biento:

Moderata te basta fuerte for di direccion oost; forsa 4 te 5 (20 te 39 km/ora, 11 te 21 nudo).

Durante di dia fuerte den rafaga; forsa 6 (40 te 50 km/ora, 22 te 27 nudo).

Situacion general di tempo:

Extension di e area di presion halto riba Atlantico lo mantene un biento modera te fuerte den rafaga. Un

disturbio na nivelnan mas abou di atmosfera ta move bay west y lo trece un poco di humedad den e partinan mas abao di atmosfera. Esaki lo por induci un awasero pasahero te breve principalmente en oranan di marduga y mainta trempan.

Condicion maritimo/ estado di lama:

Na partinan proteje di costa: keto, rond di 1 pia.

Na partinan zuid: trankil, entre 1 pa 2 pia.

Na partinan oost te noordwest di costa: generalmente modera cu olanan di 4 pa 5 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Remembrance is a form of meeting"
- Kahlil Gibran

"Your living is determined not so much by what life brings to you as by the attitude you bring to life; not so much by what happens to you as by the way your mind looks at what happens."
- Kahlil Gibran

Cu dolor na nos curason pero tambe agradecido pa tur e bunita recuerdonan, nos ta anuncia e fayecimento di:



Bernardus (Ben) F. C. King
*14 januari 1948 - † 9 april 2024

Na number di su:
Casa: Mieke de Droog

Yunan:
Sandra Vocking
Jeroen Vocking y Corien Steendijk
Natasja y Jerry Gomez
Joeri King y Kim Risseeuw

Nieto(a)nan:
Sven y Yara Huigen
Emma y Tom
Damian y Milena Gomez
Nova King

Rumannan:
Hans y Maaïke Vocking y familia
Marian y †Jan van Swinderen y familia

Cuñanan:
Mily Graafland y familia
Andrea de Droog y familia

Su Fellow K brothers di Kiwanis Club of Palm Beach y familia
Su colleganan di directiva di Neptali Henriquez Park y familia
Tur su amistadnan, bisñanan y conocirnan

Un danki special na dokter di cas Dr. Marcel Ho-Kang-You y sra. Lola Geerman di Koningin Wilhelmina Fonds Aruba
Oportunidad pa condolencia lo ta dialuna 15 april 2024 di 7'or pa 9'or di anochi y diamars 16 april 2024 di 9'or pa 11'or di mainta na Aurora Funeral Home.

Ta invita pa e acto di celebracion di Ben su bida cual lo tuma lugar diamars 16 april 2024 di 11'or pa 12'or di mainta na Aurora Funeral Home. Cremashon lo tuma lugar den seno familiar.

Nos lo aprecia cu enbez di flor of krans recorda Ben na forma di un mensahe of un recuerdo riba un papelito. Por trece esaki of scirbie na e momento di condolencia. Lo bai tin un cahita special pa tur e papelonan. Ben lo sigi celebra bida cu bunita recuerdonan den nos y bo(so) pensamento y curason.

Nos ta lamenta cu despues di entiero nos no lo por ricibi bishita di condolencia na cas.

Aurora

Royal Pray

Funeral Home & Crematory

"Señor ta mi wardador, mi no tin falta di nada.
Den cunucu di yerba berde e ta pone mi sosga.
E ta hiba mi na awa trankil, pa mi bolbe haña forsa."
Salmo 23: 1,2,3



Cu hopi dolor na nos curazon pero conforme cu Dios su boluntad nos ta participa cu a fayece na Ocala Florida nos esposa, mama, wela, ruman, cuña, tanta, sobrina, prima y amiga stima

Ivy Marcia Tang Yuk-Comenencia
*05-06-1963 - †01-03-2024

Tata: †Alejandro "Indio" Comenencia
Mama: †Adela Comenencia-Gomez

Esposo: Ryan Tang Yuk
Yiu: Ryan Gentle Tang Yuk y Paula Krashner
Nieto stima: Ryan Ivan Tang Yuk
Yiunan di criansa: Sooling Tang Yuk
Rumico Tang Yuk
Nieta di criansa: Cabria de Chabert
Rumannan:
†Gabriel "Peppy" y Alexandrina Comenencia-Blanco
Fanny y Legenhousen "Larry" Nyack-Comenencia
Judith y Frank Richardson-Comenencia
Beatriz "Beata" y Luis "Gino" de Cuba-Comenencia
Edwin "Papito" y Elvia Comenencia-Rodriguez
Aléjandro "Niño" y Glenda Comenencia-Albertsz
Maria "Mary" y Tirso Tromp-Comenencia
Manera ruman: Roy y Elaine Quandus-Geerman
Sobrin(a)nan:
Sheldon y Marlin Nyack-Figaroa y familia
Ghislain y Harold Grant-Comenencia y familia
Arthur y Gennilee Comenencia-Ras y familia
Franklin y Elsa Richardson-Rincones y familia
Aldrin y Maaïke Comenencia-Los y familia
Javier "Derrick" Comenencia
Julienne y Jobert Reyes-Comenencia y familia
Rujina Comenencia y yiu
Lugina y Ervany Machado-de Cuba y familia
Gabriela Tromp y Andrew Croes
Omonan: Joaquin "Quincho" Comenencia y familia (Colombia)
Carlos "Calulo" Comenencia y familia
Tanta: Teresa Kock-Comenencia y familia
Suanan: †Kenrick Noel y familia
Mervin Tang Yuk y familia
Oswald Tang Yuk y familia
Vincent Tang Yuk y familia
Cuñanan: †Monica Beharry y familia
Linda Jerome y familia
Barbara Beharry y familia
†Jackie Tang Yuk
Patricia Tang Yuk
Primo(a)nan na: Aruba, Corsow, Colombia y Hulanda
Primanan stima: Jetzy de Koning-Bruges
Ederlinda Kock
Sonia Quandt-Gomez
Tur su amiga- y amigonan y amistadnan stima na Aruba y su barrio Dakota, Ocala, St. Croix, Corsow y Hulanda

Demas famianan:
Comenencia, Tang Yuk, Noel, Beharry, Jerome, Blanco, Nyack, Richardson, de Cuba, Rodriguez, Albertsz, Tromp, Kock, Violenus, Figaroa, Grant, Reyes, Ras, Rincones, Los, Machado, Croes, Neuman, de Koning, Quandt, Bitorina, Irwin, Ramharak, Beke, King, Jeroc, de la Cruz, Lispier, Hodge, Castillo, Castillejo, Ras, Quandus, Porino, Franken, Geerman, Herts, Dania, Tromp, Nuboer, Sneek, Steenen, Rafael, Lake, Becker, Martis, Pablo, Schwengle.

Na corsow: Marlene Comenencia y rumannan y familia
Randy de Lannoy y familia
Familia Jacobus
Familia Curiel

Na Colombia: Comenencia, Gomez, Elias, Bruges, Scott, Alzamora, Granados, Freyle Villar

Acto di condolencia y ceremonia di despedida lo tuma lugar na Parokia Birgen di Fatima na Dakota, diasabra 20 di April 2024 di 9:30 pa 11:30 di mainta. Despues ta sigui pa su ultimo lugar di sosiego na Santana Central Sabana Basora. Despues di entiero nos no por ricibi bishita di condolencia na cas, nos ta pidi comprension pa esey.

Si acaso den nos tristesa nos por a lubida algun famia, nos ta pidi nos mas sincero disculpa.
Enbes di flor of krans lo tin un box disponibel pa donacion pa Parokia Birgen di Fatima Dakota

Aurora

Royal Pray

Funeral Home & Crematory

Lo E seka tur lágrima for di nan wowo, I morto lo no eksisti mas: lo no tin nada di rou, nada di yoramento, nada di dolo mas, pasobra tur kos di antes a pasa bai.
Rev. 21:4



A bay sosga den brasa di Señor nos ser stima:

Candido Jacobo Angela
Cariñosamente yama "Coby of Cobito"
*11-10-1940 - †13-04-2024

Drumi dushi den brasa di Señor
Acto di entiero lo wordo anuncia despues

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever



Cu inmenso dolor na nos curason, nos ta anuncia fayecimento di

Welbin A. Vidal
*01-04-1990 - † 06-04-2024

Na number di Mercedes Vidal, Tina Vidal y Jose Alturo kier a invita pa acto di entiero cual lo tuma lugar na Fundashon Dominicana na nieuwstraat 34 D, Diamars 16 di April 2024 di 2'or pa 4'or di atardi y despues lo sali pa Santana Gobierno na Playa.

Lieve Ben,

Je vroeg zelf nooit om aandacht, maar had alle aandacht voor ons. Je was hulpvaardig en begaan met de mensen en de wereld om je heen. En hoe fijn was het om daar met jou over te praten.

We houden van je en gaan je missen. Je vrienden van Aruba



(AP) - Colorado su Cas controla pa democratanan riba diadomingo a aproba un proposicion cu lo prohibi e benta y transferencia di arma di candela semiautomático, un paso grandi pa e legislacion despues

cu practicamente e mesun proposicion a ser asesina pa democratanan aña pasa.

E proposicion, aproba cu un voto di 35-27, awo ta na caminda pa e Senado lidera pa Democratanan, aki e por trece

colorado den e mesun linea cu 10 otro estado, incluyendo California, New York y Illinois, cu tin prohibicion contra armanan di candela semiautomático.

Sinembargo te hasta un estado cu ta yen di algun di e nacion su pio tiroteonan, e tipo di legislacion aki ta enfrenta obstaculo.

Colorado su historia politico ta biña, birando blauw recientemente. Proposicion su chens di exito den e Senado di e estado ta mas abao di loke

nan tabata den e Cas, unda e Democratanan ta 46 pa 19. Gov. Jared Polis, tambe un Democrata a indica su dudanan tocante e tipo di prohibicion aki.

Aña pasa, un proposicion similar a muri den e comite, cu legisladornan Democratico citando preocupacion tocante un prohibicion y promesanan cu nan a haci pa evita cu e gobierno lo afecta mayoria di e doñonan di arma di candela su derechonan.

Democratanan aña pasa a aproba y Polis a firma den ley 4 proposicion di control di arma menos expansivo. Esaki ta inclui e aumenta e edad minimo pa cumpra cualkier arma di 18 pa 21 aña di edad, establece un periodo di espera di 3 dia entre e compra y recibo di e arma, fortalece e estado su ley 'red flag' y retira algun di e proteccionnan legal di e industria di arma di candela, exponiendo esaki na demandanan di e victimanan di violencia di arma.

Hues di Merca ta retira demandanan contra comandante di Libya acusa di crimennan di guerra

(AP) - Un hues di Merca a retira un serie di demanda civil contra un comandante militar di Libya cu tabata biba na Virginia y tabata acusa di asesina ciudadanonan inocente den e pais su guerra civil.

Na un audiencia di corte diabierna, Hues di Distrito Leonie Brinkema a bisa cu e no tin hurisdiccion pa trata e caso cu ta acusa crimennan di guerra na Libya, aunke e acusado, Khalifa Hifter, tin ciudadanía y a biba pa mas di 20 aña na Virginia como un exilio di e regimen di Moamar Gadhafi.

E decision tabata un cambio significativo di e fortuna pa Hifter. Den aña 2022,

Brinkema a drenta un condena automatico contra Hifter despues cu el a nenga di sinta pa interrogacionnan den schedule tocante su rol den e pleitamento cu a yena e pais durante e ultimo decada.

Sinembargo Hifter a obtene abogadoan nobo cu a persuadi e hues pa bolbe habri e caso y a haci Hifter disponible pa e interrogacion. El a sinta pa dos interrogacion separa den aña 2022 y aña 2023 y a nenga orkestra atakenan contra ciudadanonan.

Un teniente den e tempo aki pa Gadhafi, Hifter a sali fro di e pais bay Merca durante aña 1980. Ta kere cu el a traha cu CIA durante su tempo den exilio.



Organisacionnan di noticia ta urgi Biden y Trump compromete na e debatenan presidencial durante e campaña di 2024



(AP) - 12 organisacion di noticia riba diadomingo a urgi e nominadonan pa e presidencia Joe Biden y Donald Trump acepta debatenan, bisando cu nan ta un "tradicion rico" cu ta forma parti di tur campaña di eleccion general edside aña 1976.

Mientras Trump, ke no a participa den debate pa e nominacion Republicano, el a indica e disponibilidad di bay contra su rival di 2020, e president Democratico no a compromete na debate contra su persona atrobe.

Aunke investigacionnan no a ser haci formalmente, e organisacionnan di noticia a bisa cu e no ta demasiado trempan pa cada campaña pa bisa publicamente cu nan lo participa den e 3 forum presidencial y un forum vice presidencial crea pa e Comision di Debatenan Presidencial.

"Si tin algo cu Mericanonan ta di acuerdo cune durante e tempo aki, ta cu loke ta den riesgo cu e eleccion aki ta sumamente haltu," e organisacionnan a bisa den nan declaracion. "Den medio di esaki, simplemente no tin un substituto pa e candidatonan debati cu otro, y dilanti e pueblo Mericano, nan vision pa e futuro di nos nacion."

Iran su atake contra Israel ta aumenta miedo di un guerra mas amplio



(AP) - E atake cu no a premira di Iran contra Israel riba diadomingo a crea tensionnan regional, confirmando e miedo cu e guerra entre Israel y Hamas por bira un guerra hopi mas amplio. Sinembargo Iran, Israel, Merca y Hamas a haya victorianan tambe.

Mientras e mas di 300 drone y misil tabata dirigi nan mes na Israel diadomingo, e pais por a exitosamente test su defensa aereo, cual conhuntamente cu aliadonan su ayudo a blokia 99 porciento di e atake y a preveni daño grandi.

Den contraste, Israel su ehercito a ricibi golpinan na man di un enemigo menos ekipa ora cu Hamas a drenta Israel dia 7 di october. Esaki tabata un golpi grandi na Israel su imagen como un gigante militar regional y a kibra cualkier sentido di invencibilidad. E respuesta na Iran su atake por ta loke ta restaura e fe den e pais su ehercito, hasta si su forsanan ta ser golpia na Gaza, cu mas di 6 luna desde cu Israel a declara guerra contra Hamas.

Israel tambe a elogia e coalicion di forsa cu a yuda combati e agresion di Iran. E ta un muestra di sosten necesario na un

momento unda Israel ta lo mas isola u e por ta a causa di preocupacionnan tocante su conducta durante e guerra contra Hamas, incluyendo un crisis humanitario cu ta empeorando y e cantidad di fayecimentonan cu ta aumentando na Gaza.

Iran a compromete den varios ocasion cu e lo responde na un atake di Israel riba un parti diplomatico di Iran na Damascus di 1 di april cu a causa e fayecimento di 2 general. Diadomingo su agresion a permiti Iran demostra su ciudadanonan cu e no lo keda para keto ora cu su bienes ta bao atake y tabata serio ora cu el a menasa cu vengansa.

Cu e atake aki, Iran por a demostra su poder y hinca miedo den parti di e pueblo di Israel y stroba e bida di varios via cancelacion di scol. Sinembargo cu e tiki daño realmente causa na Israel, Iran posiblemente ta spera cu cualkier respuesta lo ser midi. Varios ora despues cu el a lansa e drone y misil, Iran a bisa cu e operacion a caba.

Merca tabata un hungado clave den evita e agresion, demostrando na su aliadonan rond di mundo e poder y confiansa cu por pone riba sosten Mericano.

Awo, mientras Israel ta pensa riba con y si mester responde, e aliansa aki lo pasa door di test, cu e administracion Biden buscando manera di haci uso di su peso riba Israel y preveni esaki di ehecuta un respuesta cu por empeora e conflicto.

Hamas, cual tin sosten di Iran,

a duna bon bini na e atake di Israel. Desde e ehecucion di su atake dia 7 di october, Hamas tabatin speransa cu partnernan regional lo bini na su asistencia y hinca Israel den un guerra mas amplio. Mientras algun a haci esaki, incluyendo Hezbollah cu sosten di Iran na Lebanon y Yemen su Houthi, Iran no a directamente drenta den accion te cu diadomingo.

Hamas tin speransa cu e atake ta e prome den Iran su accion den e guerra na Gaza. Tambe e ta spera cu e violencia na West Bank, unda un hoben di Israel a ser asesina y e pueblo a drenta barionan Palestino ta sigui aumenta. Por lo menos, Iran su atake por a duna Hamas mas forsa pa para fuerte den e negociacionnan pa un alto al fuego, sperando cu e presion militar aumenta contra Israel por causa cu esaki lo acepta e grupo militante su terminonan pa un trato.



Mundo a presta tiki atencion na Sudan su guerra pa un año y awo tin advertencia di mortonan en masse a causa di hamber

(AP) - Decenas di soldaat arma a drenta Omaina Farouq su cas den e cpaital di Sudan, Khartoum. Cu arma apunta contra dje, nan a golpia e muhe, ter- orisa su yiunan y saca nan for di nan cas.

“Desde e dia aki, nos bida a keda ruina,” e docente di 45 año a conta. “Tur cos a cambia e año aki.”

Farouq, ken ta viuda, y su 4 yiunan awo ta biba den un bario chikito pafo di e ciudad central.

Nan ta depende riba sosten di e resto di e pueblo y filantroponan mirando cu e gruponan di sosten no por yega e pueblo..

Sudan tin un año den guerra,

desde cu e tensionnan entre su ehercito y paramilitar Rapid Support Forces a splota den luchanan riba caya den Khartoum na april diaña2023. E pleitamento rapidamente a plama den e pais.

E conflicto a ser tapa pa e guerra entre Israel y Hamas na Gaza Strip, cual desde october a causa un crisis humanitario pa Palestinonan y un menasa di hambruna den e teritorio.

Tin advertencia cu Sudan ta dirigi na un calamidad na escala grandi di muri di hamber, cu mortonan en masse den lunanan binidero.

Produccion di cuminda y rednan di distribucion a kibra y agencianan di ayudo no pro a yega e regionnan cu mas a

ser impacta.

Na mesun tempo, e conflicto a trece rapportnan amplio

di atrocidadnan incluyendo asenatonan, violacionnan y personanan cu ta huy di e guerra, particularmente den e

area di e capital y e region di Darfur.



Polis na Australia ta identifica asesino di 6 persona



(AP) – Polis a identifica e asesino cu a staca 6 persona mortalmente na un centro di compras na Sydney prome cu el a fayece a causa di tiro di oficialnan.

New South Wales Police a bisa diadomingo cu Joel Cauchi di

40 aña tabata responsabel pa e atake di diasabra atardi na Westfield Shopping Centre na Bondi, den e ciudad su parti cu no ta leu di e lama famoso Bondi Beach.

NSW Comisionado Assistant di polis, Anthony Cooke a bisa

reporteronan na un conferencia di prensa diadomingo cu Cauchi tabata sufri di problemanan di salud mental cu no a keda specifica y investigadornan no tabata tratando e incidente como un caso relaciona na terrorismo. “Nos lo sigui traha riba e perfil di e sospechoso pero ta



hopi cla pa nos cu na e etapa aki e ta aparenta cu ta trata di problemanan di salud mental di e individuo involucra,” Cooke a declara.

“Te cu awo, te ainda ningun informacion cu nos a ricibi ni e evidencia cu nos tin recupera, ni inteligencia cu nos a reuni ta sugeri cu esaki tabatin algun motivacion en particular of ideologia,” el a agrega.

E incidente na e centro di compras, un di esnan mas druk den

e pais y cu ta un punto di actividad riba un atardi particularmente cayente, a cuminsa alrededor di 3or di atardi y polis a ser yama rapidamente.

6 persona, di cual 5 tabata muhe y un homber di entre 20 pa 55 aña di edad, a ser asesina den e atake y 12 otro ta herida den hospital, incluyendo un mucha di 9 luna ken su mama a fayece durante e atake. 2 di e 6 victima tabata di exterior y no tin famia na Australia, Cooke a informa diadomingo.

Chipre ta suspende evaluacion di solicitud di asilo di Siria

(AP) - Chipre a bisa diasabra cu lo suspende procesa tur solicitacion di asilo di ciudadanonan di Siria pa motibo cu cantidadnan grandi di refugiado di e pais den guerra ta yega e isla via boto, primeramente for di Libanon.

Den un declaracion por escrito, e gobierno di Chipre a bisa cu e suspension tambe ta parcialmente a causa di esfuersonan pa e Union Europeo (UE) redesigna algun area di e pais como zonanan safe pa asina personanan por bolbe nan nacion.

E paso drastico ta bini net despues di e president di Chipre Nicos Christodoulides na Libanon e siman pasa pa apela na autoridnan di e pais stop e salida di botonan yen di migrante na nan costa. E peticion aki ta bini den bista di un aumento di 27 biaha di yega di migrante na Chipre te cu awo compara cu e mesun periodo di aña pasa.

Segun Chipre su Minister di Asuntonan Interno, algun 2,140 persona a yega via boto na e pais miembro di UE entre dia 1 di januari te dia 4 di april, e gran mayoria di nan ciudadano di Siria cu ta sali



for di Libanon. Den contraste, solamente 78 persona a yega via boto na e nacion den e periodo correspondiente aña pasa.

Riba dialuna, Christodoulides y Prome Minister di Libanon, Najib Mikati a haci un yamado na UE pa provee sosten financiero pa asina yuda Libanon

stop e migrantenan di por yega Chipre.

Dianan prome cu su biahe pa Libanon, e president di Chipre a bisa cu el a personalmente pidi e hefe di e comision di UE, Ursula von der Leyen pa intercede cu e autoridnan di Libanon pa nan combati e sali

di migrante. Aunke UE mester provee sosten “substancial” na Libanon, e ta bisa cu cualkier ayudo financiero mester keda relaciona na con efectivamente e autoridnan monitor nan costa y preveni e salidanan aki.

Libanon y Chipre ya caba tin un trato bilateral unda e auto-

ridadnan di Chipre lo debilbe e migrantenan cu purba yega e costa via Libanon. Sinembargo Minister di Interior di Chipre Constantinos Ioannou a bisa cu Libanon no ta cumpliendo cu su responsabilidad di e trato a causa di presionnan domestico.

Libanon, cual ta lidiando cu un crisis economico severo desde aña 2019, tin mas o menos 805,000 refugiado registra cu Nacionnan Uni, di cual 90 porciento ta biba den pobresa. Oficialnan di Libanon ta calcula cu e cantidad real ta hopi mas halto, entre 1.5 pa 2 milyon. Varios a scapa e guerra civil den nan pais, cual ta drentando su di 14 aña.

Ioannou e siman aki a bishita Dinamarca, Czechia y Grecia pa asina genera sosten pa un empuhe na UE pa declara cierto partinan di Siria como safe. Haci esaki lo permiti e ciudadanonan di Siria na e areanan “safe” aki.

E Minister di Chipre a bisa cu su persona y su colega nan di Czechia y Dinamarca lo crea un documento oficial pa e ehecutivo di UE pa asina ricibi un dialogo formal tocante e zona ‘safe’.